

前

漢

卷十四

T 2455/17

4


CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

SEP 20 1932

ChL 2255.17

4

30



Harvard College Library Imaging Services <http://imaging.harvard.edu>

藝文志第十

哈佛大學漢和

藏

漢書二十

正義大夫行秘書少監琅邪縣開國子顏師古注

昔仲尼沒而微言絕

李奇曰隱微不顯之言也師古曰精微要妙之言耳

七十子喪而大義乖

師古曰七十子

謂弟子達者七十二人舉其成數故言七十

故春秋分為五

韋昭曰謂左氏公羊穀梁鄒氏夾氏也

詩分為四

韋昭曰謂毛氏齊魯韓

易有數家之傳戰國從衡真偽分爭

師古曰從衡首子容反諸子之言紛然殺亂

曰殺雜也

至秦患之乃燔滅文章以愚黔首

師古曰燔燒也秦謂人為黔首言其頭黑也燔音扶元反黔音其炎反又音琴漢

興改秦之敗大收篇籍廣開獻書之路迄孝武世書缺簡脫禮壞

樂崩

師古曰編絕散落故簡脫脫音吐活反

聖上喟然而稱曰

師古曰喟歎息之貌也音丘位反

朕甚閔焉於是

建藏書之策

如淳曰劉歆七略曰外則有太常太史博士之藏內則有延閣廣內祕室之府

置寫書之官下及諸子傳

說皆充祕府至成帝時以書頗散亡使謁者陳農求遺書於天下

詔光祿大夫劉向校經傳諸子詩賦步兵校尉任宏校兵書太史

令尹咸校數術

師古曰古卜

待醫李柱國校方技

師古曰醫藥之書

每一書已

師古曰已畢也

向輒條其篇目撮其指意錄而奏之師古曰撮總取也音十括反會向卒哀帝復使

向子侍中奉車都尉歆卒父業師古曰歆卒終也歆於是總羣書而奏其七略

故有輯略師古曰輯與集同謂諸書之總要有六藝略師古曰六藝六經也有諸子略有詩賦略有兵

書略有術數略有方技略今刪其要以備篇籍師古曰刪去浮冗取其指要也其每略所條家及篇數有

與總凡不同者轉為脫誤年代久遠無以詳知

易經十二篇施孟梁丘三家師古曰上下經及十翼故十二篇

易傳周氏二篇字王孫也

服氏二篇師古曰劉向別錄云服氏齊人號服光

楊氏二篇名何字叔元脩川人

蔡公二篇衛人市周王孫

韓氏二篇名嬰

王氏二篇名同

丁氏八篇名寬字子襄梁人也

古五子十八篇自甲子至壬子說易陰陽

淮南道訓二篇淮南王安聘明易者九人號九師法

古雜八十篇雜災異三十五篇神輪五篇圖一師古曰劉向別錄云神輪者王道失則災害生得則

四海輪之祥瑞

孟氏京房十一篇災異孟氏京房六十六篇五鹿充宗略說三篇

京氏段嘉十二篇蘇林曰東海人為博士百灼曰儒林不見師古曰蘇說是也嘉即京房所從受易者也見儒林傳及劉向別錄

章句施孟梁丘氏各二篇

凡易十三家二百九十四篇

易曰宓戲氏仰觀象於天俯觀法於地觀鳥獸之文與地之宜近

取諸身遠取諸物於是始作八卦以通神明之德以類萬物之情

至於殷周之際紂在上位逆天暴物文王以

師古曰下繫之辭也鳥獸之文謂其跡在地者必讀與伏同

諸侯順命而行道天人之古可得而効於是重易六爻作上下篇
孔氏為之彖象繫辭文言序卦之屬十篇故曰易道深矣人更三

聖韋昭曰伏羲文王孔子師世歷二古孟康曰易繫辭曰易之興其於中古乎然則伏羲為上中文王為中古孔子為下古及秦燔

書而易為筮卜之事傳者不絕漢興田和傳之訖于宣元有施孟

梁丘京氏列於學官而民間有費高二家之說師古曰費音扶味反劉向以中

古文易經校施孟梁丘經師古曰中者天子之書也言中以別於外耳或脫去無咎悔亡唯費

氏經與古文同

尚書古文經四十六卷為五十七篇師古曰孔安國書序云凡五十九篇為四十六卷承詔作傳引序各冠其篇首定五十八篇鄭叙贊云後又亡

其一篇故經二十九卷大小夏侯二家歐陽經二十九卷伏生傳授者詩四十一篇

歐陽章句三十一卷

大小夏侯章句各二十九卷

大小夏侯解故二十九篇

歐陽說義二篇

劉向五行傳記十一卷

許商五行傳記一篇

周書七十一篇周史記師古曰劉向云周時誥誓號令也蓋孔子所論百篇之餘也今之存者四十五篇矣

議奏四十二篇宣帝時石渠論章昭曰閣名也於此論書

凡書九家四百一十二篇入劉向稽疑一篇師古曰此凡言入者謂七略之外班氏新入之也其云出者與此同

易曰河出圖雒出書聖人則之師古曰上繫之詞也故書之所起遠矣至孔子

纂焉孟康曰纂音撰上斷於堯下訖于秦凡百篇而為之序言其作意秦燔

書禁學濟南伏生獨壁藏之漢興亡失求得二十九篇以教齊魯

之間訖孝宣世有歐陽大小夏侯氏立於學官古文尚書者出孔

子壁中師古曰家語云孔騰字子襄畏秦法峻急藏尚書孝經論語於夫子舊堂壁中而漢記尹敏傳云孔鮒所藏二說不同未知孰是武帝末魯共

王壞孔子宅欲以廣其宮而得古文尚書及禮記論語孝經凡數

十篇皆古字也其王往入其宅聞鼓琴瑟鍾磬之音於是懼乃止
不壞孔安國者孔子後也悉得其書以考二十九篇得多十六篇

師古曰舜中書多以考見行世二十九篇之外更得十六篇安國獻之遭巫蠱事未列于學官劉向以中

古文校歐陽大小夏侯三家經文酒誥脫簡一召誥脫簡一師古曰

邵率簡二十五字者脫亦二十五字簡二十二字者脫亦二十二

字文字異者七百有餘脫字數十書者古之號令號令於眾其言

不立具則聽受施行者弗曉古文讀應爾雅故解古今語而可知

也

詩經二十八卷魯齊韓三家應劭曰申公作魯詩后

魯故二十五卷師古曰故者述其指義也它皆類此今

魯說二十八卷流俗毛詩改故訓傳為詁字久真耳

齊后氏故二十卷

齊孫氏故二十七卷

齊后氏傳二十九卷

齊孫氏傳二十八卷

齊雜記十八卷

韓故三十六卷

韓內傳四卷

韓外傳六卷

韓說四十一卷

毛詩二十九卷

毛詩故訓傳三十卷

凡詩六家四百一十六卷

書曰詩言志哥詠言師古曰虞書舜典之辭也在心為志發言為詩詠者永也永長也哥所以長言之故哀樂之心感

而哥詠之聲發誦其言謂之詩詠其聲謂之哥故古有采詩之官
王者所以觀風俗知得失自考正也孔子純取周詩上采殷下取
魯凡三百五篇遭秦而全者以其諷誦不獨在竹帛故也漢興魯
申公為詩訓故而齊轅固燕韓生皆為之傳或取春秋采雜說咸
非其本義與不得已魯最為近之師古曰與不得已者言皆不得已也三家皆
列於學官又有毛公之學自謂子夏所傳而河間獻王好之未得

立

禮古經五十六卷經七十篇后氏記自三十一篇七十子後學
者所記也明堂陰

陽三十三篇古明堂之遺事王史氏二十一篇七十子後學者師古曰劉向別錄云六國時人也曲臺后倉

九篇如淳曰行禮射於曲臺后倉為記故名曰曲臺記漢官曰大射于曲臺晉灼曰天子射宮也西京無太學於此有禮也中庸說二篇師古曰今禮記

有中庸一篇亦非本禮經蓋此之流

明堂陰陽說五篇

周官經六篇王莽時劉歆置博士師古曰即今之周官禮也亡其冬官以考工記充之

周官傳四篇

軍禮司馬法百五十五篇

古封禪羣祀二十二篇

封禪議對十九篇武帝時也

漢封禪羣祀三十六篇

議奏三十八篇石渠

凡禮十三家五百五十五篇入司馬法一家百五十五篇

易曰有夫婦父子君臣上下禮義有所錯師古曰序卦之辭也錯道也音干故反而帝王質

文世有損益至周曲為之防事為之制師古曰委曲防閑每事為制也故曰禮經三百

威儀三千韋昭曰周禮三百六十官也三百舉成數也臣瓚曰禮經三百章說見也威儀三千乃謂冠婚吉凶蓋儀禮是三百是官名也師古曰禮經三百章說見也

也及周之衰諸侯將踰法度惡其害已皆滅去其籍自孔子時而

不具至秦大壞漢興魯高堂生傳士禮十七篇訖孝宣世后倉最明戴德戴聖慶晉皆其弟子三家立於學官禮古經者出於魯淹中蘇林曰里名也及孔氏學七十篇文相似多三十九篇及明堂陰陽王史氏記所見多天子諸侯卿大夫之制雖不能備猶瑜倉等推士禮而致於天子之說師古曰瑜與愈同愈勝也

樂記二十三篇

王禹記二十四篇

雅歌詩四篇

雅琴趙氏七篇

名定勃海人宣帝時丞相魏相所奏

雅琴師氏八篇

名中東海人傳言師曠後

琴龍氏九十九篇

名德梁人師古曰劉向別錄云亦魏相所奏也與趙定俱召見待詔後拜為侍郎

凡樂六家百六十五篇

出淮南劉向等琴樂七篇

易曰先王作樂崇德殷薦之上帝以享祖考師古曰豫卦象辭也殷盛也故自黃帝

下至三代樂各有名孔子曰安上治民莫善於禮移風易俗莫善

於樂

師古曰孝經載孔子之言

二者相與並行周衰俱壞樂尤微眇以音律為節師古曰眇

細也言其道精微節在音律不可具於書眇亦讀曰眇

又為鄭衛所亂故無遺法漢興制氏以雅樂聲

律世在樂官頗能紀其鏗鏘鼓舞而不能言其義師古曰鏗音初衡反六國之

君魏文侯最為好古孝文時得其樂人竇公

師古曰桓譚新論云竇公年百八十歲兩目皆盲文帝奇之問

曰何因至此對曰臣年十三失明父母哀其不及眾技教鼓琴臣導引無所服餌

獻其書乃周官大宗伯之大司樂章

也武帝時河間獻王好儒與毛生等共采周官及諸子言樂事者

以作樂記獻人佾之舞與制氏不相遠其內史丞王定傳之以授

常山王禹禹成帝時為謁者數言其義

師古曰數音所角反

獻二十四卷記劉

向校書得樂記二十三篇與禹不同其道濶以益微

師古曰濶漸也

春秋古經十二篇經十一卷

公羊穀梁二家

左氏傳三十卷 左丘明魯太史

公羊傳十一卷 公羊子齊人師古曰各高

穀梁傳十一卷 穀梁子魯人師古曰名喜

鄒氏傳十一卷

夾氏傳十一卷 有錄無書師古曰夾音頰

左氏微二篇 師古曰微謂釋其微指

鐸氏微三篇 楚太傅鐸椒也

張氏微十篇

虞氏微傳二篇 趙相虞卿

公羊外傳五十篇

穀梁外傳二十篇

公羊章句三十八篇

穀梁章句三十三篇

公羊雜記八十三篇

公羊顏氏記十一篇

公羊董仲舒治獄十六篇

議奏三十九篇 石渠論

國語二十一篇 左丘明著

新國語五十四篇 劉向分國語

世本十五篇 古史官記黃帝以來訖春秋時諸侯大夫

戰國策三十三篇 記春秋後

奏事二十篇 秦時大臣奏事及刻石名山文也

楚漢春秋九篇 陸賈所記

太史公百三十篇 十篇有錄無書

馮商所續太史公七篇韋昭曰馮商受詔續太史公十餘篇在班彪別錄商字子高師古曰七略云商陽陵人治易事五鹿充宗後事劉向能屬文後

與孟柳俱待詔頗序列傳未卒病死

大古以來年紀二篇

漢著記百九十卷師古曰若今之起居注

漢大年紀五篇

凡春秋二十三家九百四十八篇省太史公四篇

古之王者世有史官君舉必書所以慎言行昭法式也左史記言

右史記事為春秋言為尚書帝王靡不同之周室既微載籍殘

缺仲尼思存前聖之業乃稱曰夏禮吾能言之杞不足徵也殷禮

吾能言之宋不足徵也文獻不足故也足則吾能徵之矣師古曰論語載孔子之言

也徵成也獻賢也孔子自謂能言夏殷之禮而杞宋之君文章賢材不足以成之故我不得成此禮也以魯周公之國禮文備物史官

有法故與左丘明觀其史記據行事仍人道師古曰仍亦因也因興以立功

就敗以成罰假日月以定歷數藉朝聘以正禮樂有所褒諱貶損

不可書見口授弟子弟子退而異言師古曰謂人執所見各不同也丘明恐弟子各安

其意以失其真故論本事而作傳明夫子不以空言說經也春秋

所貶損大人當世君臣有威權執力其事實皆形於傳是以隱其

書而不宣所以免時難也及末世口說流行故有公羊穀梁鄒夾

之傳四家之中公羊穀梁立於學官鄒氏無師夾氏未有書

論語古二十一篇出孔子辭中兩子張如淳曰分堯曰篇後子張問何如可以從政已下為篇名曰從政

齊二十二篇多問王知道如淳曰問王知道比篇名也

魯二十篇傳十九篇師古曰解釋論語意者

齊說二十九篇

魯夏侯說三十一篇

魯安昌侯說三十一篇師古曰張禹也

魯王駿說二十篇師古曰王吉子

燕傳說三卷

議奏十八篇石渠論

孔子家語二十七卷師古曰非今所有家語

孔子三朝七篇師古曰今大戴禮有其一每蓋孔子對哀公語也三朝見公故曰三朝

孔子徒人圖法二卷

凡論語十二家二百二十九篇

論語者孔子應答弟子時人及弟子相與言而接聞於夫子之語

也當時弟子各有所記夫子既卒門人相與輯而論纂故謂之論

語師古曰輯與集同纂與撰同漢興有齊魯之說傳齊論者昌邑中尉王吉少府宋

畸師古曰畸音居宜反御史大夫貢禹尚書令五鹿充宗膠東庸生唯王陽名

家師古曰王吉字子陽故謂之王陽傳魯論語者常山都尉龔奮長信少府夏侯勝丞

相韋賢魯扶卿前將軍蕭望之安昌侯張禹皆名家張氏最後而行於世

孝經古孔氏一篇二十二章師古曰劉向云古文字也庶人章分為二也曾子敢問章為三又多一章凡二十二章

孝經一篇十八章長孫氏江氏后氏翼氏四家

長孫氏說二篇

江氏說一篇

翼氏說一篇

后氏說一篇

雜傳四篇

安昌侯說一篇

五經雜議十八篇石渠論

爾雅三卷二十篇張晏曰爾近也雅正也

小爾雅一篇古今字一卷

弟子職一篇應劭曰管仲所作

說三篇

凡孝經十一家五十九篇

孝經者孔子為曾子陳孝道也夫孝天之經地之義民之行也舉大者言故曰孝經漢興長孫氏博士江翁少府后倉諫大夫翼奉安昌侯張禹傳之各自名家經文皆同唯孔氏辟中古文為異父母生之續莫大焉故親生之膝下諸家說不安處古文字讀皆異

臣瓚曰孝經云續莫大焉而諸家之說各不安處之也師古曰桓譚新論云古孝經千八百七十一字今異者四百餘字

史籀十五篇周宣王太史作大篆十五篇建武時上六篇矣師古曰籀音由

八體六技韋昭曰八體一曰大篆二曰小篆三曰刻符四曰蟲書五曰摹印六曰署書七曰殳書八曰隸書

蒼頡一篇上七章秦丞相李斯作爰歷六章車府令趙高作博學七章太史令胡毋敬作

凡將一篇司馬相如作

急就一篇成帝時黃門令史游作

元尚一篇成帝時將作大匠李長作

訓纂一篇揚雄作

別字十三篇

蒼頡傳一篇

揚雄蒼頡訓纂一篇

杜林蒼頡訓纂一篇

杜林蒼頡故一篇

凡小學十家四十五篇入揚雄杜林二家二篇

易曰上古結繩以治後世聖人易之以書契百官以治萬民以察蓋取諸夬師古曰夬卦之辭夬揚於王庭師古曰夬卦之辭言其宣揚於王者朝廷其用

最大也古者八歲入小學故周官保氏掌養國子教之六書師古曰保氏地

官之屬也謂象形象事象意象聲轉注假借造字之本也師古曰象形謂畫成其物隨體詰屈

日月是也象事即指事也謂視而可識察而見意上下是也象意即會意也謂比類合誼以見指也借武信是也象聲即形聲謂以事為名取譬相成江河是也轉注謂建類一首同意相受考老是也假借謂本無其字依聲託事令長是也漢興蕭何草律師古曰草律亦著其法曰太

史試學童能諷書九千字以上乃得為史又以六體試之課最者

以為尚書御史史書令史韋昭曰若今尚書蘭臺令史也臣瓚曰史書今之太史書吏民上書字或不

正輒舉劾六體者古文奇字篆書隸書繆篆蟲書師古曰古文謂孔子壁中書奇字即古文而異

者也篆書謂小篆蓋秦始皇使程邈所作也隸書亦程邈所獻主於徒隸從簡易也繆篆謂其文屈曲纏繞所以摹印章也蟲書謂為蟲鳥之形所以書幡信也皆所以通

知古今文字摹印章書幡信也古制書必同文不知則闕問諸故

老至於衰世是非無正人用其私師古曰各任私意而為字故孔子曰吾猶及史之

闕文也今亡矣夫師古曰論語載孔子之書謂文字有疑則當闕而不說孔子自言我初涉學尚見闕文今則皆無任意改治也蓋傷其滯

不正師古曰滯漸也史籀篇者周時史官教學童書也與孔氏壁中古文異

體蒼頡七章者秦丞相李斯所作也爰歷六章者車府令趙高所

作也博學七章者太史令胡毋敬所作也文字多取史籀篇而篆

體復頗異所謂秦篆者是時始造隸書矣起於官獄多事苟趨

省易師古曰趨讀曰趣謂趣向之也易音弋鼓反施之於徒隸也漢書閭里書師合蒼頡爰歷

博學三篇斷六十字以為一章凡五十五章并為蒼頡篇師古曰并合也總合

以為蒼頡頡篇也武帝時司馬相如作凡將篇無復字師古曰復重也音扶日反後皆類此元帝時黃

門令史游作急就篇成帝時將作大匠李長作元尚篇皆倉頡中

正字也凡將則頗有出矣至元始中徵天下通小學者以百數各

令記字於庭中揚雄取其有用者以作訓纂篇順續蒼頡又易蒼

頡中重複之字凡八十九章臣復續揚雄作十二章韋昭曰臣班固自謂也作十三章後人不

別疑在蒼頡下篇三十四章中凡一百二章無復字六藝羣書所載略備矣蒼頡多古

字俗師失其讀宣帝時徵齊人能正讀者張敞從受之傳至外孫

之子杜林為作訓故并列焉

凡六藝一百三家三千一百二十三篇入三家一百五十九篇出重十一篇六藝之文樂

以和神仁之表也詩以正言義之用也禮以明體明者著見故無

訓也書以廣聽知之術也春秋以斷事信之符也五者蓋五常之

道相須而備而易為之原故曰易不可見則乾坤或幾乎息矣蘇林曰不

能見易意則乾坤近於滅息也師古曰此上繫之辭也幾近也音鉅依反

言與天地為終始也至於五學世有變改

猶五行之更用事焉師古曰更互也音工衡反古之學者耕且養三年而通一藝存

其大體玩經文而已是故用日少而畜德多師古曰畜讀曰蓄蓄蓄聚也易大畜卦象辭曰君子以多識前言

往行以畜其德三十而五經立也後世經傳既已乖離博學者又不思多聞

闕疑之義師古曰論語稱孔子曰多聞闕疑慎言其餘則寡尤言為學之道務在多聞疑則闕之慎於言則少過也故志引之而務碎義逃難便

辭巧說破壞形體師古曰句為僻碎之義以避它人之攻難者故為便辭巧說以析懷文字之形體也說五字之文至於

二三萬言師古曰言其煩妄也桓譚新論云秦近君能說堯典篇目兩字之說至十餘萬言但說曰若稽古三萬言後進彌以馳逐故

幼童而守一藝白首而後能言安其所習毀所不見師古曰已所常習則保安之未嘗所

見者則妄毀誹終以自蔽此學者之大患也

序六藝為九種

晏子八篇名嬰諡平仲相齊景公孔子稱善與人交有列傳師古曰有列傳者謂太史公書

子思二十三篇名伋孔子孫為魯繆公師

曾子十八篇名參孔子弟子

漆雕子十二篇孔子弟子漆雕啓後

宓子十六篇名不齊字子賤孔子弟子師古曰宓讀與伏同

景子三篇說宓子語似其弟子

世子二十一篇名頌陳人也七

魏文侯六篇

李克七篇子夏弟子為魏文侯相

公孫尼子二十八篇七十子之弟子

孟子十一篇名軻鄒人子思弟子有列傳師古曰聖證論云軻字子車而此志無字未詳其所得

孫卿子三十三篇名況趙人為齊稷下祭酒有列傳師古曰本曰荀卿避宣帝諱故曰孫

羊子十八篇名嬰齊人七十子之後師古曰羊音弭

內業十五篇不知作書者

周史六弢六篇惠襄之間或曰顯王時或曰孔子問焉師古曰即今之六韜也蓋言取天下及軍旅之事弢字與韜同也

周政六篇周時法度政教

周法九篇法天地立百官

河間周制十八篇似河間獻王所述也

調言十一篇不知作者陳人君法度如淳曰調音梁欄師古曰說者引孔子家語云孔穿所造非也

功議四篇不知作者論功德事

甯越一篇中牟人為周威王師

王孫子一篇曰巧心

公孫固一篇十八章齊閔王失國間之固因為陳古今成敗也

李氏春秋二篇

羊子四篇百章故秦博士

董子一篇名無心難墨子

侯子一篇李奇曰威作侔子

徐子四十二篇宋外黃人

魯仲連子十四篇有列傳

平原君七篇朱建也

虞氏春秋十五篇虞卿也

高祖傳十三篇高祖說大臣述古語也

陸賈二十三篇

劉敬三篇

孝文傳十一篇文帝所稱及詔策

賈山八篇

太常蓼侯孔臧十篇父聚高祖時以功臣封臧嗣爵

賈誼五十八篇

河間獻王對上下三雍宮三篇

董仲舒百二十三篇

兒寬九篇

公孫弘十篇

終軍八篇

吾丘壽王六篇

虞丘說一篇難孫卿也

莊助四篇

臣彭四篇

鉤盾穴從李步昌八篇宣帝特數言事

儒家言十八篇不知作者

淵聖寬臨鐵論六十篇師古曰寬字次公汝南人也孝昭帝時丞相御史與諸賢良文學論臨鐵事寬撰次之

劉向所序六十七篇新序說苑世說列女傳頌圖也

揚雄所序三十八篇太玄十九法言十三樂四箴二

右儒五十三家八百二十六篇入揚雄一家十八篇

儒家者流蓋出於司徒之官助人君順陰陽明教化者也游文於

六經之中留意於仁義之際祖述堯舜憲章文武宗師仲尼以重

其言師古曰祖始也述修也憲法也章明也宗尊也言以堯舜於道最為高孔子曰

如有所譽其有所試師古曰論語載孔子之言也言於人有所稱譽者輒試以事取其實效也譽音弋於反唐虞之隆殷

周之盛仲尼之業已試之效者也然惑者既失精微而辟者又隨時抑揚違離道本師曰辟苟以譁眾取寵師古曰譁誼也寵尊也譁音呼華反後進循之是以五經乖析儒學寤衰此辟儒之患師古曰寤漸也辟讀曰僻

伊尹五十一篇湯相

太公二百三十七篇呂望為周師尚父本有道者或有近世又以為太公術者所增加也師古曰父讀曰甫也

謀八十一篇

言七十一篇

兵八十五篇

辛甲二十九篇紂臣七十諫而去周封之

鬻子二十二篇名熊為周師自文王以下問焉周封為楚祖師古曰鬻音弋六反

筦子八十六篇名夷吾相齊桓公九合諸侯不以兵車也有劉傳師古曰筦讀與管同

老子鄰氏經傳四篇姓李名耳鄰氏傳其學

老子傅氏經說三十七篇述老子學

老子徐氏經說六篇字少季臨淮人傳老子

劉向說老子四篇

文子九篇老子弟子與孔子並時而稱周平王問似依託者也

蜎子十三篇名淵楚人老子弟子師古曰蜎姓也音一元反

關尹子九篇名喜為關吏老子過關喜去吏而從之

莊子五十二篇名周宋人

列子八篇名圉寇先莊子稱之

老成子十八篇

長盧子九篇

王狄子一篇

公子牟四篇魏之公子也先莊子稱之

田子二十五篇名駢齊人游稷下號天口駢師古曰駢音步田反

老萊子十六篇楚人與孔子同時

黔婁子四篇齊隱士守道不誦威王下之師古曰黔音其炎反下音胡穆反

宮孫子二篇師古曰宮孫姓也不知名

鷓冠子一篇楚人居深山以鷓為冠師古曰以鷓鳥羽為冠

周訓十四篇師古曰劉向別錄云人問小書其言俗薄

黃帝四經四篇

黃帝銘六篇

黃帝君臣十篇起六國時與老子相似也

雜黃帝五十八篇六國時賢者所作

力牧二十二篇六國時所作託之力牧力牧黃帝相

孫子十六篇六國時

捷子二篇齊人武帝時說

曹羽二篇楚人武帝時說於齊王

郎中嬰齊十一篇武帝時師古曰劉向云故待詔不知其姓數從游觀名能為文

臣君子二篇蜀人

鄭長者一篇六國時先韓子韓子稱之師古曰別錄云鄭人不知姓名

楚子三篇

道家言二篇近世不知作者

右道三十七家九百九十三篇

道家者流蓋出於史官歷記成敗存亡禍福古今之道然後知秉

要執本清虛以自守卑弱以自持此君人南面之術也合於堯之

克讓師古曰虞書堯典稱堯之德曰允恭克讓言其信恭能讓也故志引之云讓古讓字易之嗛嗛一謙而四益此其所

長也師古曰四益謂天道虧盈而益謙地道變盈而流謙鬼神害盈而福謙人道惡盈而好謙也此謙卦彖辭嗛字與謙同及放者為之則欲

絕去禮學兼弃仁義師古曰放蕩也曰獨任清虛可以為治

宋司星子韋三篇景公之史

公禱生終始十四篇傳鄒奭始終書師古曰禱音疇其字從水

公孫發二十二篇六國時

鄒子四十九篇名衍齊人為燕昭王師居稷下號談天衍

鄒子終始五十六篇師古曰亦鄒衍所說

乘丘子五篇六國時

杜文公五篇六國時師古曰劉向別傳云韓人也

黃帝泰素二十篇六國時韓諸公子所作師古曰劉向別錄云或言韓諸公孫之所作也言陰陽五行以為黃帝之道也故曰泰素

南公三十一篇六國時

容成子十四篇

張蒼十六篇丞相北平侯

鄒奭子十二篇齊人號曰雕龍奭師古曰奭音試亦反

閻丘子十三篇名快魏人在南公前

馮促十三篇鄒人

將鉅子五篇六國時先南公南公稱之

五曹官制五篇漢制似賈誼所條

周伯十一篇齊人六國時

衛侯官十二篇近世不知作者

于長天下忠臣九篇平陰人近世師古曰劉向別錄云傳天下忠臣

公孫渾邪十五篇平曲疾

雜陰陽三十八篇不知作者

右陰陽二十一一家三百六十九篇

陰陽家者流蓋出於羲和之官敬順昊天歷象日月星辰敬授民

時此其所長也及拘者為之則牽於禁忌泥於小數師古曰泥滯也音乃計反舍人

事而任鬼神師古曰舍廢也

李子三十二篇名悝相魏文侯富國彊兵

商君二十九篇名鞅姬姓衛後也相秦孝公有列傳

申子六篇名不害京人相韓昭侯終其身諸侯不敢侵韓師古曰京河南京縣

處子九篇師古曰史記云趙有處子

慎子四十二篇名到先申韓中韓稱之

韓子五十五篇名非韓諸公子使秦李斯害而殺之

游棣子一篇師古曰棣音徒計反

龜錯三十一篇

燕十事十篇不知作者

法家言二篇不知作者

右法十家二百一十七篇

法家者流蓋出於理官信賞必罰以輔禮制易曰先王以明罰飭

法師古曰噉噉之象辭也飭整也讀與救同此其所長也及刻者為之則無教化去仁愛專

任刑法而欲以致治至於殘害至親傷恩薄厚師古曰薄厚者變厚為薄

鄧析二篇鄭人與子產並時師古曰列子及孫卿並云子產殺鄧析據左傳昭公二十年子產卒定公九年駟黻殺鄧析而用其竹刑則非子產所殺也

尹文子一篇說齊宣王先公孫龍師古曰劉向云與宋鉏俱游稷下鉏音形

公孫龍子十四篇趙人師古曰即為堅白之辯者

成公生五篇與黃公等同時師古曰姓成公劉向云與李斯子由同時由為三川守成公生游談不仕

惠子一篇名施與莊子並時

黃公四篇名疵為秦博士作歌詩在秦時歌詩中師古曰疵音才斯反

毛公九篇趙人與公孫龍等並游平原君趙勝家師古曰劉向別錄云論堅白同異以為可以治天下此蓋史記所云載於博徒者

右名七家三十六篇

名家者流蓋出於禮官古者名位不同禮亦異數孔子曰必也正名乎名不正則言不順言不順則事不成師古曰論語載孔子之言也言欲為政必先正其名此其所長也及斲者為之音灼曰斲許也師古曰斲音工鈞反則苟鉤鈇析亂而已師古曰鈇破也音音革反又音

音秋

尹佚二篇周臣在成康時也

田俅子三篇先韓子蘇林曰俅音仇

我子一篇師古曰劉向別錄云為墨子之學

隨巢子六篇墨翟弟子

胡非子三篇墨翟弟子

墨子七十一篇名翟為宋大夫在孔子後

右墨六家八十六篇

墨家者流蓋出於清廟之守茅屋采椽師古曰采柞木也字作椽本從木以茅覆屋以椽為椽言其質素也采音千在

反是以貴儉養二老五更是以兼愛選

父是以右鬼如淳曰右鬼謂信鬼神若杜伯射宣王是親鬼而右之師古曰右猶尊尚也

有命者言儒者執有命而反勸人修德積善政教與行相反故譏之也如淳曰言無吉凶之命但有賢不肖之善惡皆同可以治也師古曰墨子有節用兼愛上賢明鬼神非命上同等諸篇故志歷序其本意也視讀曰示

此其

之利因以非禮推兼愛之意而不知別親疏

蘇子三十一篇名秦有列傳

張子十篇名儀有列傳

龐煖二篇為燕將師古曰煖音許遠反

闕子一篇

國筮子十七篇

秦零陵令信一篇難秦相李斯

蒯子五篇名通

士大射是以上賢宗祀嚴

順四時而行是以非命蘇林曰非

以孝視天下是以上同如淳曰言

所長也及蔽者為之見儉

親疏

鄒陽七篇

主父偃二十八篇

徐樂一篇

莊安一篇

待詔金馬聊蒼三篇趙人武帝時師古曰嚴助傳作膠蒼而此志作聊志傳不同未即孰是

右從橫十二家百七篇

從橫家者流蓋出於行人之官孔子曰誦詩三百使於四方不能

專對雖多亦奚以為師古曰論語載孔子之言也謂人不達於事誦詩雖多亦無所用又曰使乎使乎師古曰亦論語

為之則上詐讓而棄其信師古曰讓詐言也音許遠反

孔甲盤盂二十六篇黃帝之史或曰夏帝孔甲似皆非

太命三十七篇傳言禹所作其文似後世語師古曰命古禹字

五子胥八篇名自春秋時為吳將忠直遇讒死

子晚子三十五篇齊人好議兵與詞馬法相似

由余三篇戎人秦穆公聘以為大夫

尉繚子二十九篇六國時師古曰尉姓繚名也音了又音聊劉向別錄云繚為商君學

尸子二十篇名佼魯人秦相商君師之軼死佼逃入蜀師古曰佼音絞

呂氏春秋二十六篇秦相呂不韋輯智略七作

淮南內二十一篇安

淮南外三十三篇師古曰內篇論道外篇雜說

東方朔二十篇

伯象先生一篇應劭曰益隱者也故公孫敖難以無益世主之治

荆軻論五篇軻為燕刺秦王不成而死司馬相如等論之

吳子一篇

公孫尼一篇

博士臣賢對一篇漢世雜韓子商君

臣說三篇武帝時所作賦師古曰說者其人名讀曰悅

解子簿書三十五篇

推雜書八十七篇

雜家言一篇王伯不知作者師古曰言伯王之道伯讀曰霸

右雜二十家四百三篇入兵

雜家者流蓋出於議官兼儒墨合名法師古曰治國之體亦當有此雜知國體之有此

家之見王治之無不貫師古曰王者之治於自家之道無不貫綜此其所長也及盪者為之則

漫羨而無所歸心師古曰漫放也羨音弋戰反

神農二十篇六國時諸子疾時念於農業道耕農農師古曰劉向別錄云疑李悝及商右所說

野老十七篇六國時在齊楚間應劭曰年老居田野相民耕種故號野老

宰氏十七篇不知何世

董安國十六篇漢代內史不知何帝時

尹都尉十四篇不知何世

趙氏五篇不知何世

汜勝之十八篇成帝時為議郎師古曰劉向別錄云使教田三輔有好田者師之徒為御史汜音凡又音敷劔反

王氏六篇不知何世

蔡癸一篇宣帝時以言便宜至弘農太守師古曰劉向別錄云邯鄲人

右農九家百一十四篇

農家者流蓋出農稷之官播百穀勸耕桑以足衣食故八政一曰

食二曰貨孔子曰所重民食師古曰論語載孔子稱殷湯伐桀告天辭也言為君之道所重者在人之食此其所長

也及鄙者為之以為無所事聖王師古曰言不須聖王天下自治欲使君臣竝耕詩上

下之序師古曰詩亂也音布內反

伊尹說二十七篇其語淺薄似依託也

鬻子說十九篇後世所加

周考七十六篇考周事也

青史子五十七篇古史官記事也

師曠六篇見春秋其言淺薄本與此同似因託之

務成子十一篇稱堯問非古語

宋子十八篇孫卿道宋子其言黃老之息

天乙三篇天乙謂湯其言非殷時皆依託也

黃帝說四十篇過誕依託

封禪方說十八篇武帝時

待詔臣饒心術二十五篇武帝時師古曰劉向別錄云饒齊人也不知其姓武帝時待詔作書名曰心術也

待詔臣安成未央術一篇應劭曰道家也好養生事為未央之術

臣壽周紀七篇項國國人宣帝時

虞初周說九百四十三篇河南人武帝時以方士侍郎隴黃車使者應劭曰其說以周書為本師古曰史記云虞初洛陽人即張衡西京賦小

說九百本自虞初者也

百家百二十九卷

右小說十五家千三百八十篇

小說家者流蓋出於稗官如淳曰稗音銀家排九章細米為稗街談巷說其細碎之語也王者欲知閭巷風俗故立稗官使稱說之今世亦謂

街談巷語道聽塗說者之所造也孔子曰雖小道必有可觀者焉致遠恐泥是以君子弗

為也師古曰論語載孔子之言泥滯也音乃細反然亦弗滅也閭里小知者之所及亦使綴而

不忘如或一言可采此亦芻蕘狂夫之議也

凡諸子百八十九家四千三百二十四篇出是說一家諸子十家其可

觀者九家而已皆起於王道既微諸侯力政時君世主好惡殊方

師古曰好音呼到反惡音一故反是以九家之說謹出竝作與鋒同各引一端崇其所善

以此馳說取合諸侯其言雖殊辟猶水火相滅亦相生也師古曰辟讀曰譬

仁之與義敬之與和相反而皆相成也易曰天下同歸而殊塗一

致而百慮師古曰下繫之辭合其家者各推所長窮知究慮以明其指雖有

蔽短合其要歸亦六經之支與流裔師古曰裔衣末也其於六經如水之下流衣之末裔使其人遭

明王聖主得其所折中皆股肱之材已師古曰已語終辭仲尼有言禮失而

求諸野師古曰言都邑失禮則於外野求之亦將有獲方今去聖久遠道術缺廢無所更索師古曰索

也彼九家者不猶瘡於野乎師古曰瘡與愈同愈勝也若能修六藝之術而觀此九

家之言舍短取長則可以通萬方之略矣師古曰舍廢也

屈原賦二十五篇楚懷王大去有列傳

唐勒賦四篇楚人

宋玉賦十六篇楚人與唐勒竝時在屈原後也

趙幽王賦一篇

莊夫子賦二十四篇名忌吳人

賈誼賦七篇

枚乘賦九篇

司馬相如賦二十九篇

淮南王賦八十二篇

淮南王羣臣賦四十四篇

太常蓼侯孔臧賦二十篇

陽丘侯劉囑賦十九篇師古曰囑音偃

吾丘壽王賦十五篇

蔡甲賦一篇

上所自造賦二篇師古曰武帝也

兒寬賦二篇

光祿大夫張子儵賦三篇與王褒同時也

陽成侯劉德賦九篇

劉向賦三十三篇

王褒賦十六篇

右賦二十家三百六十一篇

陸賈賦三篇

枚臯賦百二十篇

朱建賦二篇

常侍郎莊忽奇賦十一篇枚臯同時師古曰七略云忽奇者或言莊夫子子或言族家子莊助昆弟也從行至茂陵造作賦

嚴助賦三十五篇師古曰上言莊忽奇下言嚴助史駁文

朱買臣賦三篇

宗正劉辟彊賦八篇

司馬遷賦八篇

郎中臣嬰齊賦十篇

臣說賦九篇師古曰說名音悅

臣吾賦十八篇

遼東太守蘇季賦一篇

蕭望之賦四篇

河內太守徐明賦二篇字長君東海人元成世歷五郡太守有能名

給事黃門侍郎李息賦九篇

淮陽憲王賦二篇

揚雄賦十二篇

待詔馮商賦九篇

博士弟子杜參賦二篇師古曰劉向別錄云臣向謹與長社尉杜參校中祕書劉歆又云參杜陵人以陽朔元年病死時年二十餘

車郎張豐賦三篇張子儵子

驃騎將軍朱宇賦三篇師古曰劉向別錄云驃騎將軍史朱宇志以宇在驃騎府故總言驃騎將軍

右賦二十一家二百七十四篇入揚雄八篇

孫卿賦十篇

秦時雜賦九篇

李思孝景皇帝頌十五篇

廣川惠王越賦五篇

長沙王羣臣賦三篇

魏內史賦二篇

東曉令延年賦七篇師古曰東曉縣名曉音移

衛士令李忠賦二篇

張偃賦二篇

賈充賦四篇

張仁賦六篇

秦充賦二篇

李步昌賦二篇

侍郎謝多賦十篇

平陽公主舍人周長孺賦二篇

雒陽綺華賦九篇師古曰綺姓華名綺音魚綺反

駐弘賦一篇師古曰即駐孟也駐音先隨反

別栩陽賦五篇服虔曰栩音謝

臣昌市賦六篇

臣義賦二篇

黃門書者假史王商賦十三篇

侍中徐博賦四篇

黃門書者王廣呂嘉賦五篇

漢中都尉丞華龍賦二篇

左馮翊史路恭賦八篇

右賦二十五家百三十六篇

客主賦十八篇

雜行出及頌德賦二十四篇

雜四夷及兵賦二十篇

雜中賢失意賦十二篇

雜思慕悲哀死賦十六篇

雜鼓琴劔戲賦十三篇

雜山陵水泡雲氣雨旱賦十六篇

師古曰泡水上浮漚也泡音普交反漚音一侯反

雜禽獸六畜昆蟲賦十八篇

雜器械草木賦三十三篇

文雜賦三十四篇

成相雜辭十一篇

隱書十八篇

師古曰劉向別錄云隱書者疑其言以相問對者以慮思之可以無不諭

右雜賦十二家二百三十三篇

高祖歌詩二篇

泰一雜甘泉壽宮歌詩十四篇

宗廟歌詩五篇

漢興以來兵所誅滅歌詩十四篇

出行巡狩及游歌詩十篇

臨江王及愁思節士歌詩四篇

李夫人及幸貴人歌詩三篇

詔賜中山靖王子噲及孺子妾冰未央材人歌詩四篇

師古曰孺子王妾之有品號者

也妾王之眾妾也其名稱人天子內官

吳楚汝南歌詩十五篇

燕代謳鴈門雲中隴西歌詩九篇

邯鄲河間歌詩四篇

齊鄭歌詩四篇

淮南歌詩四篇

左馮翊秦歌詩三篇

京兆尹秦歌詩五篇

河東蒲反歌詩一篇

黃門倡車忠等歌詩十五篇

雜各有主名歌詩十篇

雜歌詩九篇

雒陽歌詩四篇

河南周歌詩七篇

河南周歌聲曲折七篇

周謠歌詩七十五篇

周謠歌詩聲曲折七十五篇

諸神歌詩三篇

送迎靈頌歌詩三篇

周歌詩二篇

南郡歌詩五篇

右歌詩二十八家三百一十四篇

凡詩賦百六家千三百一十八篇入揚雄八篇傳曰不歌而誦謂之賦登

高能賦可以為大夫言感物造端材知深美師古曰端古端字也因物動志則造辭義之端緒可

與圖事故可曰為列大夫也古者諸侯卿大夫交接鄰國曰微言

相感當揖讓之時必稱詩以諭其志蓋曰別賢不肖而觀盛衰焉

故孔子曰不學詩無以言也師古曰論語載孔子戒伯魚之辭也春秋之後周道寔壞師古曰寔也

漸聘問歌詠不行於列國學詩之士逸在布衣而賢人失志之賦作

矣大儒孫卿及楚臣屈原離讒憂國皆作賦以風師古曰離遭也風咸讀曰諷次下亦同

有惻隱古詩之義其後宋玉唐勒漢興枚乘司馬相如下及揚子

雲競為侈麗閎衍之詞沒其風諭之義是以揚子悔之曰詩人之

賦麗以則辭人之賦麗以淫師古曰辭人言後代之為文辭如孔氏之門人用賦也則

賈誼登堂相如入室矣如其不用何師古曰言孔氏之門既不用賦不可如何謂賈誼相如無所施也自孝

武立樂府而采歌謠於是有代趙之謳秦楚之風皆感於哀樂緣

事而發亦可以觀風俗知薄厚云詩賦為五種

吳孫子兵法八十二篇圖九卷師古曰孫武也臣於闔廬

齊孫子八十九篇圖四卷師古曰孫臏

公孫鞅二十七篇有列傳

吳起四十八篇有列傳

范蠡二篇越王句踐臣也

大夫種二篇與范蠡俱專勾踐

季子十篇

婁一篇師古曰婁音女瑞反蓋說兵法者人名也

兵春秋三篇

龐煖三篇師古曰煖音許遠反又音許元反

兒良一篇

師古曰六國時人也兒音五溪反

廣武君一篇

李左車

韓信三篇

師古曰淮陰侯

右兵權謀十三家二百五十九篇

省伊尹太公管子孫卿子鶡冠子蘇子蒯通陸賈淮南王二百五十九種出司馬法入禮也

權謀者以正守國以奇用兵先計而後戰兼形執包陰陽用技巧者也

楚兵法七篇

圖四卷

蚩尤二篇

見呂刑

孫軫五篇

圖三卷

繇叙二篇

王孫十六篇

圖五卷

尉繚三十一篇

魏公子二十一篇

圖十卷名無忘右列傳

景子十三篇

李良三篇

丁子一篇

項王一篇

名籍

右兵形執十一家九十二篇圖十八卷

形執者靈動風舉後發而先至離合背鄉變化無常

師古曰背音步內皮鄉讀曰嚮

輕疾制敵者也

太壹兵法一篇

天一兵法三十五篇

神農兵法一篇

黃帝十六篇

圖三卷

封胡五篇黃帝臣
依託也

風后十三篇圖一卷黃帝
臣依託也

力牧十五篇黃帝臣
依託也

鳩冶子一篇圖一卷晉灼
曰鳩音夾

鬼容區三篇圖一卷黃帝臣依託
師古曰即鬼史區也

地典六篇

孟子一篇

東父三十一篇

師曠八篇晉平
公臣

萇弘十五篇周
史

別成子望軍氣六篇圖三
卷

將軍威勝方七十篇

右陰陽十六家二百四十九篇圖十
卷

陰陽者順時而發推刑德隨斗擊四五勝師古曰五勝
五行相勝也假鬼神而為助

者也

鮑子兵法十篇圖一
卷

五子胥十篇圖一
卷

公勝子五篇

苗子五篇圖一
卷

逢門射法二篇師古曰
即逢蒙

陰通成射法十一篇

李將軍射法三篇師古曰
李廣

魏氏射法六篇

彊弩將軍王圍射法五卷師古曰圍郤郢人
也見趙充國傳

望遠連弩射法具十五篇

護軍射師王賀射書五篇

蒲苴子弋法四篇師古曰苴音子余反

劍道三十八篇

手搏六篇

雜家兵法五十七篇

蹇鞮二十五篇師古曰鞮以韋為之實以物蹇踣之以為戲也蹇鞮陳力之事故附於兵法焉蹇因于六韜音巨六反

右兵技巧十三家百九十九篇省墨子重入蹇鞮也

技巧者習手足便器械積機關以立攻守之勝者也

凡兵書五十三家七百九十篇省十家二百七十一篇重入蹇鞮一家二十五篇出司馬法百

五十五篇入禮也

兵家者蓋出古司馬之職王官之武備也馮範八政八曰師孔子

曰為國者足食足兵師古曰論語載孔子之言無兵與食不可以為國且不教民戰是謂棄之師古曰亦

論語所載孔子之言非其不素習武備明兵之重也易曰古者弦木為弧剡木為矢弧矢之

利以威天下師古曰下繫之辭也弧木弓也剡謂銳而利之也音弋再反其用上矣後世燿金為刃割革

為甲師古曰櫜讀與鑠同謂銷也器械甚備下及湯武受命曰師克亂而濟百姓動

之曰仁義行之曰禮讓司馬法是其遺事也自春秋至於戰國出

奇設伏變詐之兵竝作漢興張良韓信序次兵法凡百八十二家

刪取要用定著三十五家諸呂用事而盜取之武帝時軍政楊僕

摺撫遺逸紀奏兵錄師古曰摺撫謂拾取之摺音九問反撫音之石反猶未能備至于孝成命任

宏論次兵書為四種

秦壹雜子星二十八卷

五殘雜變星二十一卷師古曰五殘星名也見天文志

黃帝雜子氣三十三篇

常從日月星氣二十一卷 師古曰常從人姓名也老子師之

皇公雜子星二十二卷

淮南雜子星十九卷

泰壹雜子雲雨三十四卷

國章觀霓雲雨三十四卷

泰階六符一卷 李奇曰三台謂之泰階兩兩成體三台故六觀色以知吉凶故曰符

金度玉衡漢五星客流出入八篇

漢五星彗客行事占驗八卷

漢日旁氣行事占驗三卷

漢流星行事占驗八卷

漢日旁氣行占驗十三卷

漢日食月暈雜變行事占驗十三卷

海中星占驗十二卷

海中五星經雜事二十二卷

海中五星順逆二十八卷

海中二十八宿國分二十八卷

海中二十八宿臣分二十八卷

海中日月彗虹雜占十八卷

圖書秘記十七篇

右天文二十一家四百四十五卷

天文者序二十八宿步五星日月以紀吉凶之象聖王所已參政

也易曰觀乎天文以察時變 師古曰書卦之象辭也 然星事矧悍非湛密者弗能

由也 師古曰沈由用也 夫觀景言謹形非明王亦不能服聽也已不能

由之臣諫不能聽之王此所已兩有患也

黃帝五家歷三十三卷

顓頊歷二十一卷

顓頊五星歷十四卷

日月宿歷十三卷

夏殷周魯歷十四卷

天歷大歷十八卷

漢元殷周謀歷十七卷

耿昌月行帛圖二百三十二卷

耿昌月行度二卷

傳周五星行度三十九卷

律歷數法三卷

自古五星宿紀三十卷

太歲謀日晷二十九卷

帝王諸侯世譜二十卷

古來帝王年譜五卷

日晷書三十四卷

許商算術二十六卷

杜忠算術十六卷

右歷譜十八家六百六卷

歷譜者序四時之位正分至之節會日月五星之辰以考寒暑殺生之實故聖王必正歷數以定三統服色之制又曰探知五星日月之會凶阨之患吉隆之喜其術皆出焉此聖人知命之術也非天下之至材其孰與焉師古曰與讀曰豫道之亂也患出於小人而強欲知天道者壞大以為小削遠曰為近是曰道術破碎而難知也

泰一陰陽二十三卷

黃帝陰陽二十五卷

黃帝諸子論陰陽二十五卷

諸王子論陰陽二十五卷

太元陰陽二十六卷

三典陰陽談論二十七卷

神農大幽五行二十七卷

四時五行經二十六卷

猛子閻昭二十五卷

陰陽五行時令十九卷

堪輿金匱十四卷

務成子災異應十四卷

師古曰許慎云堪輿天道輿地道也

十二典災異應十二卷

鍾律災應二十六卷

鍾律叢辰日苑二十三卷

鍾律消息二十九卷

黃鍾七卷

天一六卷

泰一二十二九卷

刑德七卷

風鼓六甲二十四卷

風后孤虛二十卷

六合隨典二十五卷

轉位十二神二十五卷

美門式法二十卷

美門式二十卷

文解六甲十八卷

文解二十八宿二十八卷

五音奇肱用兵二十三卷

如淳曰音該師古曰許慎云肱車中約也

五音奇肱刑德二十一卷

五音定名十五卷

右五行三十一家六百五十二卷

五行者五常之形氣也書云初一曰五行次二曰羞用五事

師古曰周書洪

範之言進用五事曰順五行也貌言視聽思心失而五行之序亂五

辭也星之變作皆出於律歷之數而分爲一者也

師古曰說皆在五行志也

德終始推其極則無不至而小數家因此以爲吉凶而行於世滯

以相亂

師古曰滯漸也

龜書五十二卷

夏龜二十六卷

南龜書二十八卷

巨龜三十六卷

雜龜十六卷

著書二十八卷

周易三十八卷

周易明堂二十六卷

周易隨曲射匿五十卷

大筮衍易二十八卷

大次雜易三十卷

鼠序卜黃二十五卷

於陵欽易吉凶二十三卷

任良易旗七十一卷

易卦八具

右著龜十五家四百一卷

著龜者聖人之所用也書曰女則有大疑謀及卜筮

師古曰周書洪範之辭也言所為之

事有疑則以下筮決之也龜曰卜筮曰筮

易曰定天下之吉凶成天下之亹亹者莫善於蓍龜

是故君子將有為也將有行也問焉而以言其受命也如嚮無有

遠近幽深遂知來物非天下之云王精其孰能與於此

師古曰皆上繫之辭也亹亹深致也言君

子所為行皆以其言問於易受命如嚮者謂卜以吉凶其應速疾如響之隨聲也遂猶究也來物謂當來之事也為與響同與讀曰像

及至衰世解於齊戒

而婁煩卜筮

師古曰解讀曰懈齊讀曰齋婁讀曰屢

神明不應故筮瀆不告易以為忌

師古曰易蒙卦

之辭曰初筮告再三瀆瀆則不告言童蒙之來決疑初則以實而告至于再三為其煩瀆乃不告也

龜厭不告詩曰為刺

師古曰小雅小曼之詩曰我龜

既厭不我告猶言卜問煩數蝶媿於龜龜靈厭之不告以道也

黃帝長柳占夢十一卷

甘德長柳占夢二十卷

武禁相衣器十四卷

嚏耳鳴雜占十六卷

師古曰嚏音丁計反

禎祥變怪二十一卷

人鬼精物六畜變怪二十一卷

變怪誥咎十三卷

執不祥劾鬼物八卷

請官除詛祥十九卷

師古曰詛字與妖同

禳祀天文十八卷

師古曰禳除災也音人羊反

請禱致福十九卷

請雨止雨二十六卷

泰壹雜子侯歲二十一卷

子贛雜子候歲二十六卷

五法積貯寶藏二十三卷

神農教田相土耕種十四卷

昭明子釣種生魚鼈八卷

種樹滅果相蠶十三卷

右雜占十八家三百一十三卷

雜占者紀百事之象候善惡之徵師古曰徵證也

易曰占事知來師古曰卜繫之辭也言有事而占則觀方來之驗也眾占非一而夢為大故周有其

官師古曰謂太卜掌三夢之法又占夢中士一人皆宗伯之屬官而詩載熊羆虺蛇眾魚旒旗之夢著明大

人之占占考吉凶師古曰小雅斯千之詩曰吉夢維何維熊維羆男子之祥維虺維蛇女子之祥無羊之詩曰牧羊人乃夢眾維魚矣旒旗旒矣大人占之眾維魚

矣實維豐年旒旗旒矣室家溱溱言熊羆虺蛇皆為吉祥之夢而生男女及見眾魚則為豐益年之應旒旗則為多盛之象大人占之謂以聖人占夢之法占之也画龜蛇曰旒鳥隼曰旗

參卜筮春秋之說詆也曰人之所忌其氣炎以取之詆由人與也

人失常則詆與人無覺焉詆不自作師古曰申繻之辭也事見莊公十四年炎謂火之光始燄燄也言人之所忌其氣燄

引致於災也覺也失常謂反五常之德也災讀與熒同故曰德勝不祥義厭不惠師古曰厭音伊葉反惠順也桑穀共生

大戊以興鳩雉登鼎武丁為宗師古曰說在郊祀五行志然惑者不稽諸躬而忌詆

之見師古曰稽考也計也是以詩刺召彼故老訊之占夢師古曰小雅正月之詩也故老元老也訊問也言不能修德以

禳災但問元老以占夢之吉凶傷其舍本而憂末不能勝凶咎也

山海經十三篇

國朝七卷

宮宅地形二十卷

相人二十四卷

相寶劔刀二十卷

相六畜三十八卷

右形法六家百二十二卷

形法者大舉九州之執以立城郭室舍形人及六畜骨法之度數
器物之形容以求其聲氣貴賤吉凶猶律有長短而各徵其聲非
有鬼神數自然也然形與氣相首尾亦有有其形而無其氣有其
氣而無其形此精微之獨異也

凡數術百九十家二千五百二十八卷

數術者皆明堂義和史卜之職也史官之廢久矣其書既不能具

雖有其書而無其人易曰苟非其人道不虛行師古曰下繫之辭也言道由人行春秋

時魯有梓慎鄭有裨龜晉有卜偃宋有子華六國時楚有甘公魏

有石申夫漢有唐都庶得麤猶師古曰猶粗略也音才戶反蓋有因而成易無因而

成難故因舊書以序數術為六種

黃帝內經十八卷

外經三十九卷

扁鵲內經九卷

外經十二卷

白氏內經三十八卷

外經三十六卷

旁篇二十五卷

右醫經七家二百一十六卷

醫經者原人血脉經絡骨髓陰陽表裏以起百病之本死生之分

而用度箴石湯火所施師古曰箴所以刺病也石謂砭石即石箴也古者攻病則有砭今其術絕矣箴音之林及砭音彼廉反調百藥

齊和之所宜師古曰齊音才請反其下並同和音乎卧反至齊之得猶慈石取鐵巨物相使拙

者失理巨瘡為劇巨死為生師古曰瘡讀與愈同愈差也

五藏六府痺十二病方三十卷

師古曰痺風溼之病音必二反

五藏六府疝十六病方四十卷

師古曰疝心腹氣病音山諫反

五藏六府痺十二病方四十卷

師古曰痺黃病音丁韓反

風寒熱十六病方二十六卷

泰始黃帝扁鵲俞拊方二十三卷

應劭曰黃帝時醫也師古曰拊音膚

五藏傷中十一病方三十一卷

客疾五藏狂顛病方十七卷

金創癰瘕方三十卷

服虔曰音瘵引之瘵師古曰小兒病也瘵音充制反瘵音子用反

婦人嬰兒方十九卷

湯液經法三十二卷

神農黃帝食禁七卷

右經方十一家二百七十四卷

經方者本草石之寒溫量疾病之淺深假藥味之滋因氣感之宜辯五苦六辛致水火之齊以通閉解結反之於平及失其宜者以熱益熱以寒增寒精氣內傷不見於外是所獨失也故諺曰有病不治常得中醫

容成陰道二十六卷

務成子陰道三十六卷

堯舜陰道二十三卷

湯盤庚陰道二十卷

天老雜子陰道二十五卷

天一陰道二十四卷

黃帝三王養陽方二十卷

三家內房有子方十七卷

右房中八家百八十六卷

房中者性情之極至道之際是以聖王制外樂呂禁內情而為之節文傳曰先王之作樂所呂節百事也樂而有節則和平壽考及迷者弗顧呂生疾而隕性命

宓戲雜子道二十篇

上聖雜子道二十六卷

道要雜子十八卷

黃帝雜子步引十二卷

黃帝岐伯按摩十卷

黃帝雜子芝菌十八卷

師古曰服餌芝菌之法也菌音求闕反

黃帝雜子十九家方二十一卷

秦壹雜子十五家方二十一卷

神農雜子技道二十三卷

泰壹雜子黃冶三十一卷

師古曰黃冶釋在部祀志

右神僊十家二百五卷

神僊者所以保性命之真而游求於其外者也聊呂盪意平心同死生之域師古曰盪滌一曰盪放也而無怵惕於胸中然而或者專呂為務則誕欺

怪迂之文彌呂益多師古曰誕大言也迂遠也非聖王之所呂教也孔子曰索隱行

怪後世有迷焉吾不為之矣師古曰禮記載孔子之言索隱求索隱之事而行怪迂之道妄令後人有所祖述非我志

凡方技三十六家八百六十八卷

方技者皆生生之具王官之一守也大古有岐伯俞拊中世有扁

鵠秦和師古曰和秦醫名也蓋論病呂及國原診以知政師古曰診神驗也明視其脈及色候也診音彰人音大刃反漢

興有倉公今其技術曖昧師古曰曖與暗同故論其書以序方技為四種大

凡書六略三十八種五百九十六家萬三千二百六十九卷入三家五十篇

藝文志卷第十

西川老鳳樓
氏書定綱

漢書三十

志序神僊者內云孔子曰索隱行怪顏師古注云禮記載孔子之言索隱求索隱暗之事臣似案禮記中庸篇有云子曰索隱行怪後世有述焉吾弗為之矣鄭玄注云素讀如攻城攻其所僭之僭僚猶鄉也言方鄉避害隱身而行僭譎臣作後世名也邪為之矣恥之也今志作索隱師古從而解之文注即與禮記不同意義亦不相遠故索字不更刊正作素字

陳勝項籍傳第一

服虔曰傳次其時之先後耳不曰賢智功之大小也師古曰雖次時之先後亦曰事類相從如江充息夫躬與蒯通同傳賈山與路溫舒同傳

嚴助與賈捐之同傳之類是也

漢書三十一

正議大夫行秘書少監琅邪縣開國子顏師古注

陳勝字涉陽城人

師古曰地理志屬汝南郡

吳廣字叔陽夏人也

師古曰地理志屬淮陽夏音工雅反

勝少

時嘗與人傭耕

師古曰傭人與人俱也傭耕謂受其俸直而為之耕言傭功傭受

輟耕之壟上

師古曰輟止也之往也壟上謂田中

之高悵然甚久曰苟富貴無相忘

師古曰悵問彼此皆不相忘也

傭者笑而應曰若

為傭耕何富貴也勝太息曰嗟乎燕雀安知鴻鵠之志哉

師古曰鴻大鳥也水

居鵠黃鵠也一卑千里鵠音胡督反

秦二世元年秋七月發閩左戍漁陽九百人

師古曰人所聚曰屯為其長帥也

行至蕘大澤鄉會天大

師古曰閩里門也發

閩左之人皆遣戍也解其在食貨志

勝廣皆為屯長

師古曰度謂量計之音大各反

行至蕘大澤鄉會天大

雨道不通度已失期失期法斬

師古曰度謂量計之音大各反

勝廣迺謀曰今亡亦死

舉大計亦死等死死國可乎勝曰天下苦秦久矣吾聞二世少子

不當立當立者乃公子扶蘇扶蘇已數諫故不得立上使外將兵

師古曰數音所
角及下皆類此
今或聞無罪二世殺之百姓多聞其賢未知其死如淳曰

殺故人不知其死或曰為不知何坐而死故天下冤二世殺之師古曰如或說皆非也此言我聞二世已殺扶蘇矣而百姓皆未知之故勝廣舉事詐自稱扶蘇耳項燕為楚

將數有功師古曰燕愛士卒楚人憐之或曰為在今誠曰吾眾為天

下倡宜多應者師古曰倡讀曰廣曰為然迺行卜卜者知其指意曰足

下事皆成有功然足下卜之鬼乎李奇曰卜者誠曰所卜事雖成當死為鬼惡指

鳴祠中即是也如淳曰曰鬼道感眾乎或但用人事也師古曰李如之說皆非也卜者云事成有功然須假託鬼神乃可暴起耳故勝廣曉此意則為魚書孤鳴曰威眾耳勝廣喜

念鬼曰此敎我先威眾耳迺丹書帛曰陳勝王置人所罾魚腹中

之次所旁叢祠中夜篝火狐鳴呼曰大楚興陳勝王師古曰亨又間令廣

恐旦日卒中往往指目勝廣師古曰指而勝廣素愛人士卒多為用將

尉醉師古曰將尉者其官本尉廣故數言欲亡忿尉令辱之曰激怒其眾

召令徒屬曰公等遇雨皆已失期當斬藉弟令毋斬服虔曰藉猶借也

尉果笞廣尉劍挺廣起奪而殺尉師古曰挺拔也尉劍勝佐之并殺兩尉

固什六七且壯士不死則已死則舉大名耳侯王將相寧有種乎

立為將軍廣為都尉攻大澤鄉拔之收兵而攻斬下迺令符離

人葛嬰將兵徇蕪且東李奇曰徇畧也師攻鉅鄩苦柘譙皆下之師古曰

人攻陳陳守令皆不在師古曰守郡守獨守丞與戰譙門中音灼曰譙門義

右稱大楚師古曰祖右者脫右肩之為壇而盟祭曰尉首師古曰曰所殺

也鉅音竹乙反師古曰守郡守獨守丞與戰譙門中音灼曰譙門義

謂郡丞之居守者曰郡守之丞故曰守丞譙門謂門上為高樓曰望者耳樓一名譙故謂美麗

之樓為麗譙譙亦呼為巢所謂巢車者亦於兵革之上為樓曰望敵也譙巢聲相近本一物也今

也鉅音竹乙反師古曰守郡守獨守丞與戰譙門中音灼曰譙門義

謂郡丞之居守者曰郡守之丞故曰守丞譙門謂門上為高樓曰望者耳樓一名譙故謂美麗

之樓為麗譙譙亦呼為巢所謂巢車者亦於兵革之上為樓曰望敵也譙巢聲相近本一物也今

也鉅音竹乙反師古曰守郡守獨守丞與戰譙門中音灼曰譙門義

謂郡丞之居守者曰郡守之丞故曰守丞譙門謂門上為高樓曰望者耳樓一名譙故謂美麗

流俗書本譙下有城字非也此自陳耳非譙之地譙城前已下矣

不勝守丞死迺入據陳數日號召三老豪

秦復立楚之社稷功宜為王勝迺立為王號為張楚劉德曰若云張大楚國也張晏曰先

於是諸郡縣苦秦吏暴皆殺其長吏將呂應勝是楚為秦滅已施今立楚為張也師古曰張說是也

迺呂廣為假王監諸將呂西擊滎陽令陳人武臣張耳陳餘徇趙

汝陰人鄧宗徇九江郡當此時楚兵數千人為聚者不可勝數師古曰

襄彊還報至陳勝殺嬰令魏人周市北徇魏地師古曰即滎地廣圍滎

陽李由為三川守守滎陽廣不能下勝徵國之豪桀與計師古曰

上蔡人房君蔡賜為上柱國師古曰房君者封邑之名非官號也周

文陳賢人也嘗為項燕軍視日文穎曰周文即周章也服虔曰視日旁氣也如淳曰視日時吉凶舉動之占師古曰視日如說是也

事春申君應劭曰楚相黃歇自言習兵勝與之將軍印西擊秦行收兵至關

車千乘卒十萬至戲軍焉師古曰戲水名在新豐東音許宜反解具在高紀秦令少府章邯免驪

山徒人奴產子服虔曰家人之產奴也師古曰奴產子猶今人云家生奴也悉發呂擊楚軍大敗之周文

走出關止屯曹陽音灼曰亭名也在弘農東十三里魏武帝改為好陽師古曰曹水之陽也其水出陝縣西南峴頭山而北流入河今謂之好陽澗在陝縣西四

里十五二月餘章邯追敗之復走黽池師古曰黽音洧十餘日章邯擊大破之周

文自到軍遂不戰武臣至邯鄲自立為趙王陳餘為大將軍張耳

召騷為左右丞相師古曰名勝怒捕繫武臣等家室欲誅之柱國曰

秦未亡而誅趙王將相家屬此生一秦師古曰言為難敵復與秦無異不如因立之勝

迺遣使者賀趙而徙繫武臣等家屬宮中師古曰徙居宮中示優禮也拘而不遣故謂之繫而封

張耳子敖為成都君趙兵入關師古曰趙讀曰從趙王將相相與

謀曰王王趙非楚意也楚已誅秦必加兵於趙計莫如毋西兵師古

今兵西出也使使北徇燕地呂自廣趙南據大河北有燕代楚雖勝秦不

敢制趙若不勝秦必重趙師古曰重謂尊重也趙承秦楚之敵可呂得志於天

下趙王曰為然因不西兵而遣故上谷卒史韓廣將兵北徇燕

口卒史燕地貴人豪桀謂韓廣曰楚趙皆已立王燕雖小亦萬乘之

國也願將軍立為王韓廣曰廣母在趙不可燕人曰趙方西憂秦

南憂楚其力不能禁我且曰楚之強不敢害趙王將相之家今趙

又安敢害將軍之家乎韓廣曰為然迺自立為燕王居數月趙奉

燕王母家屬歸之是時諸將徇地者不可勝數周市市北至狄

後漢安帝時狄人田儵殺狄令自立為齊王反擊周市市軍散還至魏

地立魏後故甯陵君咎為魏王應劭曰魏諸公子名咎咎在勝所不得之

魏魏地已定欲立周市為王市不肯使者五反師古曰反勝迺立甯

陵君為魏王遣之國周市為相將軍田臧等相與謀曰周章軍已

破服虔曰周秦兵且至我守滎陽城不能下秦軍至必大敗不如少

遺兵足自守滎陽師古曰悉精兵迎秦軍師古曰今假王驕不知兵權

不可與計非誅之事恐敗因相與矯陳王令曰誅吳廣師古曰矯詐也

獻其首於勝勝使賜田臧楚令尹印使為上將田臧迺使諸將李

歸等守滎陽城自占精兵西迎秦軍於敖倉與戰田臧死軍破章

邯進擊李歸等滎陽下破之李歸死陽城人鄧說將兵居郟師古曰

悅郟東海章邯別將擊破之鄧說走陳鉅人五逢將兵居許章邯擊

破之五逢亦走陳勝誅鄧說勝初立時凌人秦嘉鉅人董緜符離

人朱雞石取慮人鄭布徐人丁疾等皆特起張晏曰凌泗水縣也鉅符離沛

練音先列反取音將兵圍東海守於郟勝聞迺使武平君畔為將軍張晏

趨又音秋慮音慮也師古曰不飲告軍吏曰武平

君年少不知兵事勿聽因矯曰王命殺武平君畔章邯已破五逢

擊陳柱國房君死章邯又進擊陳西張賀軍勝出臨戰軍破張賀

死臘月張晏曰秦之臘月夏之九月也師古曰史記云勝之汝陰還

胡亥二年十月誅葛嬰十一月周文死十二月陳涉死贊說是也

至下城父師古曰下城父地名在城父縣東父音甫其御莊賈殺勝曰降秦葬碭諡曰隱王勝

故消人將軍呂臣為蒼頭軍應劭曰消人如謁者將軍姓呂名臣也時軍皆著青巾故曰蒼頭服虔曰蒼頭謂士卒青帛巾若赤眉之號呂

相別也師古曰消潔也消人主際除之人消音緇起新陽師古曰縣名也屬汝南郡攻陳下之殺莊賈復呂陳為楚

初勝令銓人宋留將兵定南陽人武關留已徇南陽聞勝死南陽

復為秦師古曰為音于偽反宋留不能入武關迺東至新蔡遇秦軍宋留已軍

降秦秦傳留至咸陽車裂留呂徇師古曰徇行示也呂示衆為戒徇音辭峻反秦嘉等聞勝軍

敗迺立景駒為楚王引兵之方與師古曰之往也方與縣名也方音房與音豫欲擊秦軍濟陰

下使公孫慶使齊王欲與并力俱進齊王曰陳王戰敗未知其死

生楚安得不請而立王公孫慶曰齊不請楚師古曰首事謂最先兵起而立王且楚首事當令於天下

田儵殺公孫慶秦左右校復攻陳下之呂將軍走徵兵復聚如淳曰徵要也徵要散卒復相聚也師古曰徵音工堯反與番盜英

布相遇師古曰番即番陽縣也於番為盜故曰番盜番音蒲何反其後番字改作翻攻擊秦左右校破之青波文穎曰地名也

復呂陳為楚會項梁立懷王孫心為楚王陳勝王凡六月初為王

其故人嘗與傭耕者聞之迺之陳叩宮門曰吾欲見涉宮門令欲

縛之自辯數迺置師古曰辯數謂自分別其姓名也并歷道與涉故舊之事故舍而不縛也數音山羽反不肯為通勝出

遮道而呼涉師古曰呼謂大喚也音火故反迺召見載與歸入宮見殿屋帷帳客曰夥

涉之為王沈沈者應劭曰夥音禍沈沈宮室深邃之貌也沈音長合反楚人謂多為夥故天下傳之

夥涉為王由陳涉始客出入愈益發舒言勝故情或言客愚無知

專妄言輕威勝斬之諸故人皆自引去由是無親勝者呂朱防為

中正胡武為司過主司羣臣諸將徇地至令之不是者繫而罪之

呂苛察為忠其所不善者不下吏輒自治師古曰不治吏而防武自治之勝信用之

諸將呂故不親附此其所呂敗也勝雖已死其所置遣侯王將相

竟亡秦高祖時為勝置守冢于碭至今血食王莽敗迺絕師古曰至今血食者

司馬遷作史記本語也莽敗迺絕者班固之詞也於文為衍蓋矣不刪耳

項籍字羽下相人也韋昭曰臨淮縣初起年二十四其季父梁梁父即楚名

將項燕者也家世楚將封於項師古曰即今項城縣故姓項氏籍少時學書不

成去學劍又不成去梁怒之籍曰書足記姓名而已劍一人敵不

足學學萬人敵耳於是梁奇其意迺教以兵法籍大喜畧知其意

又不肯竟梁嘗有櫟陽逮請斬獄掾曹咎書抵櫟陽史司馬欣曰

故事皆已應劭曰項梁嘗坐事傳繫櫟陽獄從斬獄掾曹咎取書與司馬欣抵州歸抵也已止也梁嘗殺人與籍避仇吳

中吳中賢士大夫皆出梁下師古曰言皆不及也每有大繇役及喪梁常主辦

陰以兵法部勒賓客子弟曰知其能秦始皇帝東遊會稽渡浙江

應劭曰浙音折晉灼曰江水至會稽山陰為浙江梁與籍觀籍曰彼可取而代也梁掩其口曰無

妄言族矣師古曰凡言族者謂族誅之梁曰此奇籍籍長八尺二寸力扛鼎師古曰扛舉也音江

才氣過人吳中弟子皆憚籍秦二世元年陳勝起九月會稽假守

通張晏曰假守兼守也晉灼曰楚漢春秋六姓假素賢梁迺召與計事梁曰方今江西皆反秦此

亦天亡秦時也先發制人後發制於人守歎曰聞夫子楚將世家

唯足下耳梁曰吳有奇士桓楚亡在澤中人莫知其處獨籍知之

梁迺戒籍持劍居外待梁復入與守語曰請召籍使受令召桓楚

籍入梁詢籍曰可行矣師古曰詢動目也音舜動目而使之也今書本有作詢字者流俗所改耳籍遂拔劍擊斬

守梁持守頭佩其印綬門下驚擾籍所擊殺數十百人師古曰數十百人者八九十乃

至百也他皆類此府中皆讐伏莫敢復起師古曰讐失氣也音章涉反梁迺召故人所知豪吏

諭以所為師古曰諭曉告之遂舉吳中兵使人收下縣師古曰四面諸縣也非郡所都故謂之下也得精

兵八千人部署豪桀為校尉候司馬師古曰分部而署置之有一人不得官自言

梁曰某時某喪使公主某事不能辦曰故不任公眾迺皆服梁為

會稽將籍為裨將師古曰裨助也相副助也裨音類後及他皆類此徇下縣秦二年廣陵人召平

為陳勝徇廣陵師古曰名讀曰邵未下聞陳勝敗走秦將章邯且至迺渡江

矯陳王令拜梁為楚上柱國曰江東已定急引兵西擊秦梁迺召

八千人渡江而西聞陳嬰已下東陽使使欲與連和俱西陳嬰者

故東陽令史蘇林曰曹史也晉灼曰漢儀注令史曰今史丞史曰丞史師古曰晉說是也居縣素信為長者師古曰素立恩信號

為長者東陽少年殺其令相聚數千人欲立長無適用師古曰適主也音與的同迺請陳

嬰嬰謝不能遂強立之縣中從之者得二萬人欲立嬰為王異軍

蒼頭特起應劭曰言與眾異也嬰母謂嬰曰自吾為迺家婦聞先故未曾貴師古曰適也今暴得大名不祥不如有所屬事成猶得封侯事敗易已亡非

世所指名也嬰迺不敢為王謂其軍曰項氏世世將家有名於楚

今欲舉大事將非其人不可師古曰言言不材之人為將不可求勝也我倚名族亡秦必矣師古曰倚依也音於綺反

其眾從之迺已其兵屬梁梁渡淮英布蒲將軍亦已其兵

屬焉服虔曰英布起於蒲地因已為號也如淳曰史記項羽紀言當陽君蒲將軍皆屬項羽自比更有蒲將軍也師古曰此二人也服說失之若是一人不當先言姓名後迺稱將軍也

凡六七萬人軍下邳是時秦嘉已立景駒為楚王軍彭城東欲已

距梁梁謂軍吏曰陳王首事戰不利未聞所在今秦嘉昔陳王立

景駒人逆亡道迺引兵擊秦嘉軍敗走追至胡陵嘉還戰師古曰一復來戰

日嘉死軍降景駒走死梁地梁已并秦嘉軍胡陵將引而西章邯

至栗師古曰栗縣名地理志屬沛郡梁使別將朱雞石餘樊君與戰餘樊君死朱雞石

敗亡走胡陵梁迺引兵入薛誅朱雞石梁前使羽別攻襄城襄城

堅守不下已拔皆阬之師古曰阬之於阬盡殺之還報梁聞陳王定死召諸別將

會薛計事時沛公亦從沛往居鄉人范增晉灼曰鄉音鄆絕之鄉師古曰居鄆縣名也地理志屬廬江縣鄆音

與字亦作巢木春秋時巢國年七十素好奇計往說梁曰陳勝敗固當師古曰言其計畫非是宜應敗也

夫秦滅六國楚最亡罪自懷王入秦不反楚人憐之至今故南公

稱曰楚雖三戶亡秦必楚服虔曰南公南方之老人也蘇林曰今陳勝首事但今有三戶在其怨深足已亡秦

不立楚後其勢不長今君起江東楚豈起之將皆爭附君者師古曰豈古蜂

迺求楚懷王孫心在民間為人牧羊立已為楚懷王從民望也陳

字也豈豈知豈豈之起言其眾也一說豈豈與鋒同言鋒銳而起者君君世世楚將為能復立楚之後也於是梁

嬰為上柱國封五縣與懷王都盱台師古曰盱音許于反台音怡梁自號武信君引

兵攻亢父師古曰亢音抗之音甫初章邯既殺齊王田儋於臨菑師古曰高紀及儋傳並言於臨濟此獨言臨菑

疑此誤也田假復自立為齊王儋弟榮走保東阿章邯追圍之梁引兵救

東阿大破秦軍東阿田榮即引兵歸逐王假假亡走楚相田角亡

走趙角弟聞故將居趙不敢歸田榮立儋子市為齊王梁已破東

阿下軍遂追秦軍數使使趣齊兵俱西師古曰趣讀曰促榮曰楚殺田假趙

殺田角田間迺發兵梁曰田假與國之王張晏曰與黨與也窮來歸我不忍

殺趙亦不殺角間巨市於齊張晏曰若市買相貿易巨利也梁救榮難榮猶不用命

他利呂除已善遂背德可輔假巨伐齊故巨市市貿易也晉灼曰欲令楚殺田假巨為已利而楚

係全不殺巨買其計故巨市也師古曰二說皆非也市者巨角開市取齊兵也直言趙不殺角間

巨求齊兵耳齊遂不肯發兵助楚梁使羽與沛公別攻城陽屠之西破秦

軍濮陽東秦兵收入濮陽沛公羽攻定陶定陶未下去西畧地至

雍丘大破秦軍斬李由還攻外黃外黃未下梁起東阿比至定陶

再破秦軍師古曰比音必寐反羽等又斬李由益輕秦有驕色宋義諫曰戰勝

而將驕卒惰者敗今少惰矣秦兵日益臣為君畏之梁不聽迺使

宋義於齊道遇齊使者高陵君顯張晏曰名顯封於高陵晉灼曰高陵琅邪縣也曰公將見武信

君乎曰然義曰臣論武信君軍必敗公徐行則免疾行則及禍秦

果悉起兵益章邯夜銜枚擊楚大破之定陶師古曰銜枚解在高紀梁死沛公與

羽去外黃攻陳留陳留堅守不下沛公羽相與謀曰今梁軍敗士

卒恐迺與呂臣俱引兵而東呂臣軍彭城東羽軍彭城西沛公軍

碭章邯已破梁軍則巨為楚地兵不足憂迺渡河北擊趙大破之

當此之時趙歇為王陳餘為將張耳為相走入鉅鹿城師古曰趙歇張耳共入鉅鹿也

秦將王離涉間圍鉅鹿張晏曰秦二將也王離曰王離涉間名也章邯軍其南築甬道而輸

之粟師古曰章邯為甬道而運粟巨饒王離涉間之軍陳餘將卒數萬人軍鉅鹿北所謂河北軍

也宋義所遇齊使者高陵君顯見楚懷王曰宋義論武信君必敗

也宋義所遇齊使者高陵君顯見楚懷王曰宋義論武信君必敗

數日果敗軍未戰先見敗徵師古曰徵可謂知兵矣王召宋義與計事

而說之師古曰說因呂為上將軍羽為魯公為次將范增為末將諸

別將皆屬號卿子冠軍師古曰冠軍言其在諸軍之上北救趙至安陽留不進師古曰今相

秦三年羽謂宋義曰今秦軍圍鉅鹿疾引兵渡河楚擊其外趙應

其內破秦軍必矣宋義曰不然夫搏牛之蝱不可曰破蝱張晏曰搏

曰蝱喻秦蝱喻章邯等言小大不同勢欲滅秦當寬邯等也如淳曰猶言本欲曰大力伐秦而不可曰救趙也師古曰搏擊也言曰手擊牛之背可曰殺其上蝱而不能破蝱喻今將兵方欲滅秦不可盡力與章邯即戰或未今秦攻趙戰勝則兵罷我承其敵師古曰罷不勝

則我引兵鼓行而西必舉秦矣師古曰鼓行謂擊鼓而行無畏懼也故不如先關秦趙夫

擊輕銳我不如公坐運籌策公不如我因下令軍中曰猛如虎佷

如羊貪如狼強不可令者皆斬遣其子襄相齊身送之無鹽師古曰

飲酒高會師古曰高會大會也天寒大雨士卒凍飢羽曰將勦力而攻秦久留

不行今歲飢民貧卒食半菽孟康曰半五斗器名也臣贊曰士卒食蔬菜軍無見

糧師古曰無見在之糧迺飲酒高會不引兵渡河因趙食與併力擊秦迺曰承

其敝夫呂秦之強攻新造之趙其勢必舉趙趙舉秦強何敝之承

且國兵新破王坐不安席埽境內而屬將軍師古曰屬委也音之欲反國家安危在

此一舉今不卹士卒而徇私宴非社稷之臣也羽晨朝上將軍宋

義即其帳中斬義頭師古曰即就也出令軍中曰宋義與齊謀反楚楚王陰

令籍誅之諸將讐服師古曰讐失氣也音之涉反莫敢枝梧如淳曰梧音梧枝梧猶枝扞也臣

將軍師古曰未得懷王是也皆曰首立楚者將軍家也今將軍誅亂迺相與其立羽為假上

王因使使立羽為上將軍羽已殺卿子冠軍威震楚國名聞諸侯

迺遣當陽君蒲將軍將卒二萬人渡河救鉅鹿戰少利陳餘復請

兵羽迺悉引兵渡河已渡皆湛師古曰湛漬也沈謂沈沒其船於水中破釜燒廬舍持

三日糧視士必死無還心師古曰視讀曰示於是至則圍王離與秦軍遇九

戰絕甬道大破之殺蘇角文穎曰秦將虜王離涉閒不降自燒殺當是時

楚兵冠諸侯師古曰言最為上也諸侯軍救鉅鹿者十餘壁莫敢縱兵及楚擊

秦諸侯皆從壁上觀楚戰士無不一當十呼聲動天地師古曰呼音火故反諸

侯軍人人惴恐服虔曰惴音章瑞反於是楚已破秦軍羽見諸侯將入轅門張晏曰軍

行曰申為陳轅相回為門故曰轅門師古曰周禮掌舍王行則設車宮轅門也膝行而前莫敢仰視羽繇是始為諸侯

上師古曰繇讀與由同將軍兵皆屬焉章邯軍棘原晉灼曰地名在鉅鹿南羽軍漳南相持未

戰秦軍數卻師古曰卻退也音在略反二世使人讓章邯師古曰讓謂責也章邯恐使長史欣

請事至咸陽留司馬門三日師古曰凡言司馬門者宮垣之內兵衛所在四面皆趙

高不見有不信之心長史欣恐還走不敢出故道趙高果使人追

之不及欣至軍報曰事亡可為者師古曰言不可復為軍旅之事相國趙高頡國主斷

亦遺章邯書曰白起為秦將南并鄢郢北阬馬服服虔曰馬服趙括也父

服馬服猶服馬也故世稱之師古曰鄢郢皆楚邑也鄢音偃郢音弋井反攻城略地不可勝計而卒賜死師古曰卒終也蒙恬

為秦將北逐戎人開榆中地數十里服虔曰金城縣所治也蘇林曰在上郡師古曰即今之榆林占者上郡界蘇說是也

竟斬陽周孟康曰縣名也屬上郡晉灼曰恬賜死死於此縣何者功多秦不能封因呂法誅之今

將軍為秦將三歲矣所亡失已十萬數而諸侯竝起茲益多彼趙

高素諛日久師古曰諛諂也今事急亦恐二世誅之故欲呂法誅將軍呂塞

責師古曰責當也使人更代呂脫其禍師古曰脫免也將軍居外久多內隙有功亦誅

亡功亦誅且天之亡秦無愚智皆知之今將軍內不能直諫外為

亡國將孤立而欲長存豈不哀哉將軍何不還兵與諸侯為從文穎曰

伏斧質妻子為戮乎師古曰質謂鑕也音者斬人加音者斬人加音者斬人加音者斬人加南面稱孤孰與身

使羽欲約鄭氏曰候軍候也始姓成名也約未成羽使蒲將軍引兵渡三戶服虔曰漳水津也孟康曰在鄴

軍漳南與秦戰再破之羽悉引兵擊秦軍汧水上師古曰汧水在鄴西南音工大

破之邯使使見羽欲約羽召軍吏謀曰糧少欲聽其約軍吏皆曰善羽迺與盟洧水南殷虛上應劭曰洧水在湯陰界殷虛故殷都也師古曰洧水出林慮縣東北至于長樂入清水洧音桓俗音表非也虛

讀曰巴盟章邯見羽流涕為言趙高羽迺立章邯為雍王置軍中使長史欣為上將將秦軍行前師古曰行前謂居前而行漢元年羽將諸侯兵三十餘

萬行略地至河南遂西到新安師古曰今穀州新安城是異時諸侯吏卒徭役屯戍過秦中師古曰異時猶言先時也秦中關中秦地也秦中遇之多亡狀師古曰無善形狀也及秦軍降諸

侯諸侯吏卒乘勝奴虜使之輕重折辱秦吏卒吏卒多竊言章將軍詐吾屬降諸侯今能入關破秦大善即不能諸侯虜吾屬而東

秦又盡誅吾父母妻子諸將微聞其計曰告羽羽迺召英布蒲將軍計曰秦吏卒尚眾其心不服至關不聽事必危不如擊之獨與

章邯長史欣都尉翳入秦於是夜擊阬秦軍二十餘萬人至函谷關有兵守不得入聞沛公已屠咸陽羽大怒使當陽君擊關羽遂

入至戲西鴻門聞沛公欲王關中獨有秦府庫珍寶亞父范增亦大怒勸羽擊沛公饗士旦日合戰羽季父項伯素善張良良時從沛公項伯夜曰語良良與俱見沛公因伯自解於羽師古曰自解猶今言分疎也明

日沛公從百餘騎至鴻門謝羽自陳封秦府庫還軍霸上曰待大王閉關已備他盜不敢背德羽意既解范增欲害沛公賴張良樊

噲得免語在高紀後數日羽迺屠咸陽殺秦降王子嬰燒其宮室火三月不滅收其寶貨略婦女而東秦民失望師古曰沛公入關儉節自處約法三章又秦之政而

項羽屠殺焚燒恣其殘酷故關中之人失所望也於是韓生說羽曰關中阻山帶河四塞之地肥饒可都曰伯師古曰伯讀曰霸羽見秦宮室皆已燒殘又懷思東歸曰富貴

不歸故鄉如衣錦夜行師古曰言無人見之不榮顯矣韓生曰人謂楚人沐猴而冠果

然張晏曰沐猴猶猴也師古曰言雖若人衣冠其心不類人也果然果如人之言也羽聞之斬韓生初懷王與諸將約先入關者王其地羽既背約使人致命於懷王懷王曰如約羽迺

先入關者王其地羽既背約使人致命於懷王懷王曰如約羽迺

曰懷王者吾家武信君所立耳非有功伐張晏曰積功曰伐何呂得顯主約師古曰顯與專同天下初發難服虔曰兵初起時也假立諸侯後呂伐秦然身被堅執銳

首事暴露於野三年滅秦定天下者皆將相諸君與籍力也懷王亡功固當分其地王之諸將皆曰善羽迺陽尊懷王為義帝曰古

之王者地方千里必居上游文穎曰居水之上流也游或作流師古曰游即流也徙之長沙都郴師古曰

背約恐諸侯叛之陰謀曰巴蜀道險秦之遷民皆居之迺曰巴蜀亦關中地故立沛公為漢王王巴蜀漢中而參分關中王秦降將

呂距塞漢道迺立章邯為雍王王咸陽呂西長史司馬欣故櫟陽獄吏嘗有德於梁都尉董翳本勸章邯降故立欣為塞王王咸陽

呂東至河立翳為翟王王上郡徙魏王豹為西魏王王河東瑕丘公申陽者孟康曰瑕丘縣之老人也姓申名陽張耳嬖臣也師古曰嬖謂愛幸也先下河南迎楚河上

立陽為河南王趙將司馬卬定河內數有功立卬為殷王王河內徙趙王歇王代趙相張耳素賢又從入關立為常山王王趙地當

陽君英布為楚將常冠軍立布為九江王番君吳芮師古曰番音蒲河反帥百

粵佐諸侯從入關立芮為衡山王義帝柱國共敖師古曰共讀曰龔將兵擊

南郡功多因立為臨江王徙燕王韓廣為遼東王燕將臧荼師古曰荼音塗

從楚救趙因從入關立荼為燕王徙齊王田市為膠東王齊將田

都從共救趙入關立都為齊王故秦所滅齊王建孫田安羽方渡

河救趙安下濟北數城引兵降羽立安為濟北王田榮者背梁不肯助楚擊秦呂故不得封陳餘棄將印去不從入關然素聞其賢

有功於趙聞其在南皮故因環封之三縣孟康曰魏南皮三縣呂封之師古曰環音宦番君將梅銷師古曰銷音火玄反功多故封十萬戶侯羽自立為西楚霸王師古曰伯讀曰霸梁楚地九郡都彭城諸侯各就國田榮聞羽徙齊王市膠東而立

田都為齊王大怒不肯遣市之膠東因呂齊及迎擊都都走楚市
良羽迺亡之膠東就國榮怒追殺之即墨自立為齊王予彭越將
軍印令反梁地越迺擊殺濟北王田安田榮遂并王三齊之地時
漢王還定三秦羽聞漢并關中且東師古曰言方欲出關而擊楚也齊梁畔之大怒迺
呂故吳令鄭昌為韓王呂距漢令蕭公角等擊彭越越敗蕭公角
等時張良徇韓遣項王書曰漢王失職欲得關中如約即止不敢
東師古曰如不要約也又呂齊梁反書遣羽羽呂此故無西意而北擊齊徵兵
九江王布布稱疾不行使將將數千人往二年羽陰使九江王布
殺義帝陳餘使張同夏說說齊王榮師古曰夏說謂曰悅下說齊王說齊武高反曰項王為天
下宰不平今盡王故王於醜地師古曰醜地醜惡也而王羣臣諸將善地逐其故
主趙王迺北居代餘呂為不可師古曰於義不當於聞大王起兵且不聽不義
師古曰凡不義之事皆不聽願願大王資餘兵師古曰資給也使擊常山呂復趙王請呂國為扞

蔽師古曰猶為齊之藩屏齊王許之因遣兵往陳餘悉三縣兵師古曰悉盡也與齊併力擊
常山大破之張耳走歸漢陳餘迎故趙王歇反之趙趙王因立餘
為代王羽至城陽田榮亦將兵會戰榮不勝走至平原平原民殺
之羽遂北燒夷齊城郭室屋師古曰皆夷乎也阬降卒係虜老弱婦女徇齊
至北海所過殘滅齊人相聚而畔之於是田榮弟橫收得亡卒數
萬人反城陽羽因留連戰未能下漢王劫五諸侯兵服虔曰時有十八諸侯漢得其五師
古曰常山河南魏韓殷也解在高紀十八諸侯漢時又先已得塞翟矣服說非也凡五十六萬人東伐楚羽聞之即令
諸將擊齊而自呂精兵三萬人南從魯出胡陵漢王皆已破彭城
收其貨賂美人日置酒高會羽迺從蕭晨擊漢軍而東至彭城日
中大破漢軍張晏曰一日之中或曰早擊之至日中大破師古曰或說定也漢軍皆走迫之穀泗水臣瓚曰二水皆在沛郡彭
城漢軍皆南走山師古曰走趣也音蔡楚又追擊至靈辟東睢水上師古曰睢音雖漢軍
卻為楚所擠臣瓚曰擠排也師古曰音子請反又音子奚反多殺漢卒十餘萬皆入睢水睢水為

不流

師古曰言殺人
多填於水中

漢王迺與數十騎遁去語在高紀太公呂后問求

漢王

師古曰問
行而求之

反遇楚軍楚軍與歸羽常置軍中漢王稍收散卒蕭

何亦發關中卒悉詣滎陽戰京索閒

師古曰索
音山客反

敗楚楚呂故不能過

滎陽而西漢軍滎陽築甬道取敖倉

食三年羽數擊絕漢甬道漢

王食乏請和割滎陽呂西為漢羽欲

聽之歷陽侯范增曰漢易與

耳今不取後必悔之羽迺急圍滎陽

漢王患之迺與陳平金四萬

斤呂間楚君臣

師古曰問
音居竟反

語在陳平傳項羽呂故疑范增稍奪之權

范增怒曰天下事大定矣君王自為

之願賜骸骨歸行未至彭城

疽發背死

師古曰疽癰劑
也音千餘反

於是漢將紀信詐為漢王出降呂誑楚軍故

漢王得與數十騎從西門出令周苛

師古曰
音式涉反

從公魏豹守滎陽

漢王西入關收兵還出宛葉閒

師古曰
音式涉反

與九江王黥布行收兵羽

聞之即引兵南漢王堅壁不與戰是

時彭越渡睢與項聲薛公戰

下邳殺薛公羽迺東擊彭越漢王亦引兵北軍成臯羽已破走彭

越

師古曰擊破
之令其走

引兵西下滎陽城亨周苛殺從公虜韓王信進圍成臯

漢王跳

師古曰輕身而急
出也跳音徒彤反

獨與滕公得出北渡河至修武從張耳韓信

楚遂拔成臯漢王得韓信軍留止使盧縮劉賈渡白馬津入楚地

佐彭越共擊破楚軍燕郭西

師古曰燕
燕國也屬
不郡

燒其積聚攻下梁地十

餘城羽聞之謂海春侯大司馬曹咎曰謹守成臯即漢欲挑戰慎

毋與戰勿令得東而已我十五日必定梁地復從將軍於是引兵

東四年羽擊陳留外黃外黃不下數日降羽悉令男子年十五呂

上詣城東欲阮之外黃令舍人兒年十三

蘇林曰今之舍人兒也臣贊曰
補兒者呂其幼弱故係其父

說羽曰彭越強劫外黃師古曰強
音其兩反外黃恐故且降待大王大王至又

皆阮之百姓豈有所歸心哉從此呂東梁地十餘城皆恐莫肯下

矣羽然其言迺赦外黃當阮者而東至睢陽聞之皆爭下漢果數

挑楚軍戰楚軍不出使人辱之五六日大司馬怒渡兵汜水師古曰汜音凡

解在卒半渡漢擊大破之盡得楚國金玉貨賂大司馬咎長史欣皆

自到汜水上咎故斬獄掾欣故塞王羽信任之羽至睢陽聞咎等

破則引兵還漢軍方圍鍾離昧於滎陽東師古曰昧音莫葛交羽軍至漢軍畏

楚盡走險阻師古曰走音奏羽亦軍廣武相守迺為高俎置太公其上如淳曰高俎几

之上也李奇曰軍中集檣謂之俎師古曰俎者所曰薦肉示欲烹之故置俎上如說是也告漢王曰今不急下吾亨太公漢王

曰吾與若俱北面受命懷王師古曰若汝也約為兄弟吾翁即汝翁師古曰翁謂父也

必欲亨迺翁幸分我一杯羹師古曰迺音汝也羽怒欲殺之項

伯曰天下事未可知且為天下者不顧家雖殺之無益但益怨耳

羽從之迺使人謂漢王曰天下匈匈徒呂吾兩人師古曰匈匈謹擾之意也他皆類此願

與王挑戰決雌雄毋徒罷天下父子為也師古曰罷讀曰疲漢王笑謝曰吾

寧鬪智不能鬪力羽令壯士出挑戰漢有善騎射曰樓煩應劭曰樓煩胡人也

李奇曰後為縣屬鴈門此縣人善騎射謂士為樓煩取其稱耳未必樓煩人也師古曰李說是也

楚挑戰三合樓煩輒射殺之羽大怒自被甲持戟挑戰樓煩欲射羽瞋目叱之師古曰瞋目張目也音充人反樓煩目

不能視手不能發走還入壁不敢復出漢王使間問之迺羽也師古曰

曰間微問之也漢王大驚於是羽與漢王相與臨廣武間而語漢王數羽十

罪師古曰數責也音所具反語在高紀羽怒伏弩射傷漢王漢王入成臯時彭越數

反梁地絕楚糧食又韓信破齊且欲擊楚羽使從兄子項它為大

將龍且為裨將師古曰它音徒何反且音子余反高紀云項聲此傳云項它紀傳不同未知孰是救齊韓信破殺龍且

追至成陽虜齊王廣信遂自立為齊王羽聞之恐使武涉往說信

語在信傳時漢關中兵益出食多羽兵食少漢王使侯公說羽羽

迺與漢王約中分天下割鴻溝而西者為漢東者為楚歸漢王父

母妻子已約羽解而東五年漢王進兵追羽至故陵復為羽所敗

漢王用張良計致齊王信建成侯彭越兵及劉賈入楚地圖壽春

大司馬周殷叛楚舉九江兵隨劉賈迎黥布與齊梁諸侯皆大會
羽壁垓下軍少食盡漢帥諸侯兵圍之數重羽夜聞漢軍四面皆
楚歌迺驚曰漢皆已得楚乎是何楚人多也起飲帳中有美人姓
虞氏常幸從駿馬名騅常騎師古曰蒼白雜毛曰騅蓋呂其色各之迺悲歌忼慨自為歌詩
曰力拔山兮氣蓋世時不利兮騅不逝騅不逝兮可奈何虞兮虞
兮奈若何師古曰若汝也歌數曲美人和之羽泣下數行左右皆泣莫能仰
視於是羽遂上馬戲下騎從者八百餘人師古曰戲大將之旗也音許宜反又音許為反漢書通呂戲為旌麾
及指麾字夜直潰圍南出馳平明漢軍迺覺之令騎將灌嬰呂五千騎追
羽羽渡淮騎能屬者百餘人師古曰屬聯及也音之欲反羽至陰陵迷失道孟康曰縣名屬九江郡
問一田父田父給曰左文穎曰給欺也欺令左也左迺陷大澤中呂故漢追及之羽
復引而東至東城迺有二十八騎追者數千羽自度不得脫師古曰脫免也
音主謂其騎曰吾起兵至今八歲矣身七十餘戰所二者破所擊者

服未嘗敗北遂伯有天下師古曰伯讀曰霸然今卒困於此師古曰卒終也此天亡我
非戰之罪也今日固決死願為諸軍快戰必三勝斬將艾旗迺後
死師古曰艾音刈使諸君知我非用兵罪天亡我也於是引其騎因四潰山
孟康曰四下潰也而為圍陳外嚮師古曰圍陳四周為之也外嚮謂兵刃皆在外也漢騎圍之數重羽
謂其騎曰吾為公取彼一將令四面騎馳下期山東為三處於是
羽大呼馳下師古曰呼叫也音火故反漢軍皆披靡師古曰披音普彼反遂殺漢一將是時楊喜
為郎騎追羽羽還叱之師古曰還謂迴面也喜人馬俱驚碎易數里師古曰碎易謂開張而易其本
處碎音頻亦反與其騎會三處漢軍不知羽所居分軍為三復圍之羽迺馳
復斬漢一都尉殺數十百人復聚其騎亡兩騎迺謂騎曰何如騎
皆服曰如大王言於是羽遂引東欲渡烏江臣贊曰在牛渚烏江亭長檣船
待服虔曰檣音蟻如淳曰南謂羽曰江東雖小地方千里眾數十萬亦足
王也願大王急渡今獨臣有船漢軍至亡呂渡羽笑曰迺天亡我

何渡為且籍與江東子弟八千人渡而西今亡一人還縱江東父

兄憐而王我我何面目見之哉縱彼不言籍獨不愧於心乎謂亭

長曰吾知公長者也吾騎此馬五歲所當亡敵嘗一日千里吾不

忍殺巨賜公迺令騎皆去馬步持短兵接戰羽獨所殺漢軍數百

人羽亦被十餘創顧見漢騎司馬呂馬童曰若非吾故人乎師古曰若汝也

馬童面之張晏曰呂故人難親所之故背之也如淳曰面謂不正視也師古曰如說非也而謂背之不面向也面縛亦謂反情而縛之杜元凱曰呂為但見其面非也指

王翳曰如淳曰指示王翳此項王也羽迺曰吾聞漢購我頭千金邑萬戶師古曰購

呂財設賞師古曰輕踐也音人九反吾為公得鄧展曰令公得我為功也音灼曰字或作德迺自到王翳取其頭亂相輜蹈

得其一體故分其地呂封五人皆為列侯漢王迺巨韓公號葬羽

於穀城諸項支屬皆不誅封項伯等四人為列侯賜姓劉氏

贊曰昔賈生之過秦曰應劭曰賈生書有過秦二篇言秦之過此秦孝公據殽

函之固擁雍州之地師古曰殽謂穀山今陝縣東二殽是也函謂函谷今桃林縣南洪溜關是也君臣固守而闕周

室有席卷天下包舉宇內囊括四海并吞八荒之心張晏曰括結囊也言其能包含天下

戰之備外連衡而鬪諸侯於是秦人拱手而取西河之外師古曰言其不費功力也

季公既沒惠文武昭襄師古曰惠文王季公之子武王惠文王之子昭襄王武王之弟蒙故業因遺策南取

漢中西舉巴蜀東割膏腴之地收要害之郡諸侯恐懼會盟而謀

弱秦不愛珍器重寶肥饒之地呂致天下之士合從締交師古曰締結也從音

相與為一當此之時齊有孟嘗師古曰孟嘗君田文趙有平原師古曰平原原君趙勝

楚有春申師古曰春申君黃歇魏有信陵師古曰公子無忌為信陵君此四賢者皆明智而忠信

寬厚而愛人尊賢重士約從離橫師古曰約從離為從欲曰分離為橫橫謂秦也從者子谷反其下亦同兼韓魏

燕趙宋衛中山之眾於是六國之士有甯越徐尚蘇秦杜赫之屬

為之謀齊明周最陳軫召滑樓緩翟景蘇厲樂毅之徒通其意師古

曰召讀 吳起孫臏帶他兒良王廖田忌廉頗趙奢之朋制其兵師古曰臏音頻

忍及他音徒何及兒 常呂十倍之地百萬之軍仰關而攻秦師古曰秦之地形高而諸侯之兵欲

攻關中者皆仰嚮故云仰關也 秦人開關延敵九國之師遁巡而不敢進師古曰

今流俗書本仰字作叩非也 秦無亡矢遺鏃之費師古曰秦之地形

曰道巡謂疑懼而卻退也通音千旬反流俗書本巡字誤作逃讀 秦無亡矢遺鏃之費

而天下已困矣師古曰鏃矢鋒也音子木反於是從散約敗爭割地而賂秦秦有餘

力而制其弊追亡逐北伏尸百萬流血漂鹵師古曰漂浮也鹵音也其血可

因利乘便宰割天下分裂山河強國請服弱國入朝施及孝文

莊襄王師古曰施延也孝文王昭襄王之子也莊襄王享國之日淺國家亡事及

至始皇奮六世之餘烈師古曰孝公惠文王武王昭襄王振長策而馭宇內

天下師古曰言乘馬為喻也策所曰擗馬也吞二周而亡諸侯履至尊而制六合執敲拊以鞭笞

郡百粵之君頰首係頸師古曰頰音俯委命下吏迺使蒙恬北築長城

而守藩籬師古曰言呂長城打蔽卻匈奴七百餘里師古曰卻音丘略反胡人不敢南

下而牧馬士不敢彎弓而報怨於是廢先王之道焚百家之言呂

愚黔首墮名城殺豪俊師古曰墮毀也音火規反收天下之兵聚之咸陽銷鋒鋦

也曰鋦音矯箭鏃也師古曰鋒戈戟刀也鋦與鏃同即箭鏃也如音是也鑄呂為金人十二師古曰所謂公仲者也三輔黃圖云

兼天下改諸侯為郡縣一法律同度量師古曰鑄登也呂弱天下之民然後踐華為城服虔曰斷

守要害之處信臣精卒陳利兵而誰何師古曰問之為誰也云何人其義也天下已定始

皇之心自呂為關中之固金城千里子孫帝王萬世之業也始皇

既沒餘威震于殊俗然而陳涉甕牖繩樞之子服虔曰呂繩係戶樞也此隸

之人如淳曰此古文萌字吐民也遷徙之徒也材能不及中庸非有仲尼墨翟之知

足行伍之間如淳曰躡音疊師古曰躡音女涉反而免起阡陌之中如淳曰時皆僻屈在阡陌之中也師古曰免者言免脫徭役也

文穎曰墨翟宋人為墨家者也 陶朱猗頓之富師古曰越人范蠡逃越止於陶自謂陶朱公猗頓本

足行伍之間如淳曰躡音疊師古曰躡音女涉反而免起阡陌之中如淳曰時皆僻屈在阡陌之中也師古曰免者言免脫徭役也

免字或作侏讀與俯同帥罷散之卒將數百之衆師古曰罷讀曰疲轉而攻秦斬木為兵揭

竿為旗師古曰揭音揭謂豎之也今讀之者為負揭之揭非也天下雲合響應師古曰響讀曰響言如響之應聲嬴糧而

景從師古曰贏擔也景從言如影之隨形也山東豪俊遂並起而亡秦族矣且天下非小弱

也雍州之地殽函之固自若也師古曰自若猶言如故也陳涉之位不齒於齊楚燕

趙韓魏宋衛中山之君師古曰齒謂齊列如齒鉏耰棘矜不敵於鉤戟長鎩服虔曰

也呂鉏柄及棘作矛僅也晉灼曰耰椎塊椎也師古曰服說非也耰摩田器也棘戟也谷與僅同種謂矛鋌之把也鉤戟戟刃鉤曲者也鎩鉞也言往者秦籍兵刃陳涉起時但用鉏耰及戈戟之

禮呂相攻戰也履音變於音其中反鐵音其列反適戍之衆不亢於九國之師師古曰適讀曰適謂罪罰而行也亢當也讀與抗同

深謀遠慮行軍用兵之道非及曩時之士也師古曰曩昔也音迺期反然而成敗異

變功業相反何也試使山東之國與陳涉度長絜大師古曰絜謂圍束之也度音徒各反

絜音下結反比權量力不可同年而語矣然秦呂區區之地致萬乘之權

師古曰區區小貌也招八州而朝同列鄧展曰招舉也蘇林曰招音翹百有餘年然后呂六合為家

師古曰后與後同古通用字也殺函為宮一夫作難而七廟墮師古曰墮毀也音火規反身死人手為天

下笑者何也仁誼不施而攻守之勢異也周生亦有言鄭氏曰周時略大夫師古曰史

記稱太史公曰余聞之周生則知非周時人蓋姓周耳舜蓋重童子項羽又重童子師古曰童子目之眸子豈其苗裔

邪何其興之暴也夫秦失其政陳涉首難豪傑蜂起相與並爭不

可勝數然羽非有尺寸乘勢拔起隴畝之中晉灼曰拔音卒拔之拔鄧展三曰疾起也師古曰音步未反

年遂將五諸侯兵滅秦分裂天下而威海內封立王侯政繇羽出

師古曰繇與由同號為伯王師古曰伯讀曰霸位雖不終近古呂來未嘗有也師古曰近古猶末代

及羽背關懷楚放逐義帝師古曰背謂背約不王而相於關中懷楚謂思東歸也彭城而怨王侯畔已

難矣自矜功伐奮其私智而不私古始霸王之國欲呂力征經營

天下五年卒亡其國身死東城尚不覺寤不自責過失迺引天亡

我非用兵之罪豈不謬哉

張耳陳餘傳第二

漢書三十二

正議大夫行祕書少監琅邪縣開國子顏師古注

張耳大梁人也

臣贊曰今陳留大梁城也

少時及魏公子毋忌為客

師古曰毋忌六國時信陵君也言其尚及見毋

忌為之賓客

嘗亡命遊外黃

師古曰命者名也凡言亡命謂脫其名籍而逃亡

外黃富人女甚美庸奴其

夫

師古曰言不恃賴其夫視之若庸奴

亡邸父客

如淳曰父時故賓客也師古曰邸歸也音丁禮反

父客謂曰必欲求賢

夫從張耳女聽為請決嫁之

師古曰請決絕於前夫而嫁於耳

女家厚奉給耳耳呂故

致千里客宦為外黃令

陳餘亦大梁人好儒術遊趙苦陘

張晏曰苦陘章帝醜其名改曰漢昌師古曰陘音刑

富人公乘氏

呂其女妻之餘年少父事耳相與為刎頸交

師古曰刎斷也刎頸交者言托契深重雖斷頸絕頭無所顧也

列音舞粉反

高祖為布衣時嘗從耳遊秦滅魏購求耳千金餘五百金兩

人變名姓俱之陳為里監門

師古曰監門卒之職者故為里職呂自隱

吏嘗呂過笞餘餘欲起

耳攝使受笞

師古曰攝謂引持之

吏去耳數之曰

師古曰數責也音所具反

始吾與公言何如今

見小辱而欲死一吏乎餘謝罪陳涉起斬至陳耳餘上謁涉師古曰

而見也上謁若今之通名涉及左右生平數聞耳餘賢見大喜陳豪桀說涉曰將軍

被堅執銳帥士卒呂誅暴秦復立楚社稷功德宜為王陳涉問兩

人兩人對曰將軍瞋目張膽師古曰張膽言勇之甚出萬死不顧之計為天下除

殘今始至陳而王之視天下私師古曰私讀曰示願將軍毋王急引兵而西

遣人立六國後自為樹黨師古曰樹立也如此野無交兵誅暴秦據咸陽呂

令諸侯則帝業成矣今獨王陳恐天下解矣師古曰解謂離散其心也涉不聽遂立

為王耳餘復說陳王曰大王興梁楚務在入關未及收河北也臣

嘗遊趙知其豪桀師古曰與相知也願請奇兵略趙地於是陳王許之呂所

善陳人武臣為將軍耳餘為左右校尉與卒三千人從白馬渡河師古曰

曰津名即今滑州白馬縣界也至諸縣說其豪桀師古曰北縣說之曰秦為亂政虐刑殘滅天下

北為長城之役南有五領之戍服虔曰山領有五因呂為名交趾合浦界有此領師古曰服說非也領者西自衡山之南東窮於海

一山之限耳而別標名則有五焉裴氏廣州記云大庾始安臨賀桂陽揭陽是為五領鄒德明南康記曰大庾領一也桂陽騎田領二也九真都龐領三也臨賀萌渚領四也始安越城領五也裴說是也外內騷動百姓罷敝師古曰罷讀曰疲頭會箕歛服虔曰吏到其家人人頭數山穀曰箕歛之呂供軍

費財匱力盡師古曰匱竭也重呂苛法師古曰重音直用反使天下父子不相聊師古曰言無聊賴呂

相保今陳王奮臂為天下倡始莫不嚮應師古曰倡讀曰唱嚮讀曰響家自為怒各報

其怨師古曰為音于偽反縣殺其令丞郡殺其守尉今呂張大楚王陳師古曰言張建大楚

之國而王於陳地使吳廣周文將卒百萬西擊秦於此時而不成封侯之業

者非人豪也夫因天下之力而攻無道之君報父兄之怨而成割

地之業此一時也豪傑皆然其言迺行收兵得數萬人號武信君

師古曰武臣自號也下趙十餘城餘皆城守莫肯下迺引兵東北擊范陽范陽

人蒯通說其令徐公降武信君又說武信君呂侯印封范陽令語

在通傳趙地聞之不戰下者三十餘城至邯鄲耳餘聞周章軍入

關至戲卻蘇林曰至戲地而卻兵又聞諸將為陳王徇地多呂讒毀得罪誅怨陳

王不呂為將軍而呂為校尉迺說武臣曰陳王非必立六國後師古曰非

也今將軍下趙數十城獨介居河北晉灼曰介音憂臣贊曰介特也師古曰二說並非也介隔也讀如本字不王

無呂填之師古曰填音竹刃反且陳王聽讒還報恐不得脫於禍師古曰脫免也音土活反願將

軍毋失時武臣迺聽遂立為趙王呂餘為大將軍耳為丞相使人

報陳王陳王大怒欲盡族武臣等家而發兵擊趙相國房君諫曰

秦未亡今又誅武臣等家此生一秦也不如因而賀之使急引兵

西擊秦陳王從其計徙繫武臣等家宮中封耳子敖為成都君使

使者賀趙趣兵西入關師古曰趣讀曰促耳餘說武臣曰王王趙非楚意特

呂計賀王師古曰言力不能制且事安撫為權宜之計耳楚已滅秦必加兵於趙願王毋西兵北

徇燕代南收河內呂自廣趙南據大河北有燕代楚雖勝秦必不

敢制趙趙王呂為然因不西兵而使韓廣略燕李良略常山張鷹

略上黨師古曰鷹音烏黠反韓廣至燕燕人因立廣為燕王趙王迺與陳餘北

略地燕界趙王閒出為燕軍所得師古曰閒出謂投閒隙而微出也燕囚之欲與分地

其舍曰師古曰要劫之令割趙地輸燕呂和解也使者往燕輒殺之呂固求地耳餘患之有廝養卒謝

非也廝音斯吾為二公說燕與趙王載歸師古曰二公張耳陳餘舍中人皆笑曰使者往

十輩皆死若何呂能得王師古曰若汝也次下亦同迺走燕壁師古曰走趣也音奏燕將見之問

曰知臣何欲燕將曰若欲得王耳曰君知張耳陳餘何如人也燕

將曰賢人也曰其志何欲燕將曰欲得其王耳趙卒笑曰君未知

兩入所欲也夫武臣張耳陳餘杖馬箠下趙數十城張晏曰言其不用兵革也師古曰箠

謂馬箠也音止樂反亦各欲南面而王夫臣之與主豈可同日道哉顧其勢初

定師古曰顧思念也且呂長少先立武臣呂持趙心今趙地已服兩人亦欲

分趙而王時未可耳今君囚趙王念此兩人名為求王實欲燕殺

之此兩人分趙而王夫呂一趙尚易燕師古曰易輕也音弋鼓反况呂兩賢王左提

右挈而責殺王滅燕易矣師古曰提挈言相扶持也燕呂為然迺歸趙王養卒為御

而歸李良已定常山還報趙王趙王復使良略太原至石邑秦兵

塞井陘未能前秦將詐稱二世使使遺良書不封張晏曰欲其漏泄君臣相疑也曰良

嘗事我得顯幸誠能反趙為秦赦良罪貴良良得書疑不信之邯

鄲益請兵師古曰之往也未至道逢趙王姊從百餘騎良望見呂為王伏謁

道旁王姊醉不知其將使騎謝良良素貴起慙其從官從官有一

人曰天下叛秦能者先立且趙王素出將軍下今女兒迺不為將

軍下車請追殺之良呂得秦書欲反趙未決因此怒遣人追殺王

姊遂襲邯鄲邯不知竟殺武臣趙人多為耳餘耳目者故得脫

出收兵得數萬人客有說耳餘曰兩君羈旅張晏曰羈寄旅客也而欲附趙難

可獨立趙後輔呂誼師古曰謂求取六國時趙上後而立之呂名義自輔助也可就功師古曰就成也迺求得趙

歇立為趙王居信都張晏曰歇趙之苗裔也信都襄國也李良進兵擊餘餘敗良良走歸

章邯章邯引兵至邯鄲皆徙其民河內夷其城郭師古曰夷平也耳與趙王

歇走入鉅鹿城王離圍之餘北收常山兵得數萬人軍鉅鹿北章

邯軍鉅鹿南棘原築甬道屬河師古曰屬聯及也音之欲反饒王離師古曰饒古餽字謂饋運其軍糧也王

離兵食多急攻鉅鹿鉅鹿城中食盡耳數使人召餘餘自度兵少

不能敵秦不敢前數月耳大怒怨餘使張廩陳釋往讓餘師古曰讓責也曰

始吾與公為刎頸交今王與耳旦暮死而公擁兵數萬不肯相救

胡不赴秦俱死師古曰胡何也且什三相全師古曰十中尚冀得一二勝秦餘曰所呂不俱死欲

為趙王張君報秦今俱死如呂肉饒虎何益師古曰饒餓也音於偽反張廩陳釋曰

事已急要呂俱死立信安知後慮餘曰吾顧呂無益師古曰顧思念也迺使

五千人令張廩陳釋先嘗秦軍師古曰嘗試也言若嘗食云至皆沒當是時燕齊楚

聞趙急皆來救張敖亦北收代得萬餘人來皆壁餘旁項羽兵數

絕章邯甬道王離軍乏食項羽悉引兵渡河破章邯軍諸侯軍迺

絕章邯甬道王離軍乏食項羽悉引兵渡河破章邯軍諸侯軍迺

敢擊秦軍遂虜王離於是趙王歇張耳得出鉅鹿與餘相見責讓
餘問張騫陳釋所在餘曰騫釋已必死責臣臣使將五千人先嘗
秦軍皆沒耳不信已為殺之數問餘餘怒曰不意君之望臣深也

師古曰望怨望也次下亦同豈已臣重去將哉師古曰重難也迺脫解印綬與耳耳不敢受餘

起如廁客有說耳曰天子不取反受其咎今陳將軍與君印綬不

受反天不祥急取之耳迺佩其印收其麾下餘還亦望耳不讓趨

出耳遂收其兵餘獨與麾下數百人之河上澤中漁獵由此有隙

趙王歇復居信都耳從項羽入關項羽立諸侯耳雅遊多為人所

稱師古曰雅故也言其久故倦遊交結英傑是已多為人所稱譽也項羽素亦聞耳賢迺分趙立耳為常山

王治信都師古曰治為治處也音丈吏反信都更名襄國餘客多說項羽陳餘張耳一

體有功於趙羽已餘不從入關聞其在南皮即已南皮旁三縣封

之而徙趙王歇王代耳之國餘愈怒曰耳與餘功等也今耳王餘

獨侯及齊王田榮叛楚餘迺使夏說說田榮師古曰夏說讀曰悅說田榮音式鉞反曰項羽

為天下宰不平盡王諸將善地徙故王王惡地今趙王迺居代願

王假臣兵請已南皮為扞蔽師古曰扞蔽猶言藩屏也田榮欲樹黨迺遣兵從餘餘

悉三縣兵師古曰悉悉也襲常山王耳耳敗走曰漢王與我有故張晏曰漢王布衣時常從耳遊

也而項王彊立我我欲之楚師古曰既彊盛又為所立是已孤疑莫知所往甘公曰文穎曰善說星者甘氏也晉灼

漢王之入關五星聚東井東井者秦分也師古曰分音扶問反先至必王楚

雖彊後必屬漢耳走漢漢亦還定三秦方圍章邯廢丘耳謁漢王

漢王厚遇之師古曰高紀云元年五月漢王定雍地東如咸陽引兵圍雍王廢丘而遣諸將畧地八月塞王次翟王翳皆降漢二年十月陳餘擊常山王張耳耳敗走

降漢而此傳迺言方圍廢丘時耳謁漢王隔已他事於後始云漢二年東擊楚則與帝紀前後參錯不同疑傳誤也餘已敗耳皆收趙地迎趙

王於代復為趙王趙王德餘師古曰德讓其德立已為代王餘為趙王弱國初

定留傅趙王而使夏說已相國守代師古曰為代相國而居守漢二年東擊楚使告

趙欲與俱餘曰漢殺張耳迺從於是漢求人類耳者斬其頭遺餘

趙欲與俱餘曰漢殺張耳迺從於是漢求人類耳者斬其頭遺餘

餘迺遣兵助漢漢敗於彭城西餘亦聞耳詐死即背漢漢遣耳與

韓信擊破趙井陘斬餘泚水上蘇林曰泚音祇也晉灼曰問其方人音祇師古曰

耳薨諡曰景王子敖嗣立為王尚高祖長女魯元公主為王后七年

年高祖從平城過趙趙王且暮自上食體甚卑有子塔禮高祖箕

踞罵詈甚慢之師古曰箕踞者謂申兩脚其形如箕趙相貫高趙午年六十餘故耳客也

怒曰吾王辱王也孟康曰冀州人謂懦弱為弱師古曰音上連反說敖曰天下豪桀竝起能者先

立今王事皇帝甚恭皇帝遇王無禮請為王殺之敖齧其指出血

師古曰自齧其指出血古表至誠而為誓約不肯漢也曰君何言之誤且先王亡國賴皇帝得復國師

曰復音旁曰反德流子孫秋豪皆帝力也願君無復出口貫高等十餘人相

謂曰吾等非也吾王長者不肯德且吾等義不辱今帝辱我王故

欲殺之何迺汙王為師古曰言何為迺汙王事成歸王事敗獨身坐耳八年上從

東垣過師古曰擊韓王信餘寇於東垣還而過趙貫高等迺壁人柏人要之置廁文穎曰置人廁壁中呂伺高祖

上過欲宿心動問曰縣名為何曰柏人柏人者迫於人不宿去九

年貫高怨家知其謀告之於是上逮捕趙王諸反者趙午等十餘

人皆爭自剄貫高獨怒罵曰誰令公等為之今王實無謀而并捕

王公等死誰當白王不反者師古曰白明也迺檻車與王詣長安師古曰檻車者車而為檻形謂

呂板四周之無所通見高對獄曰獨吾屬為之王不知也吏榜笞數千師古曰榜謂捶擊之也音彭他

皆類此刺羸身無完者應劭曰呂鐵刺之又燒灼之師古曰羸音而悅反終不復言呂后數言張王呂

魯元故不宜有此上怒曰使張敖據天下豈少迺女虜師古曰迺汝也廷尉

呂貫高辭聞上曰壯士誰知者呂私問之張晏曰呂和悅問之臣贊曰字多作私謂呂私情相問也師古曰贊

說也中大夫泄公曰臣素知之師古曰泄音薛此固趙國立名義不侵為然諾

者也師古曰侵猶犯負也上使泄公持節問之師古曰勞苦如平生歡勞問其勤苦也與語問張王果

今之食輿矣高時榜笞刺羸委困故勞苦如平生歡師古曰勞苦相勞問其勤苦也與語問張王果

有謀不

師古曰果猶決也

高曰人情豈不各愛其父母妻子哉今吾三族皆

曰論死豈曰王易吾親哉

師古曰易代也

顧為王實不反

師古曰顧思念也

獨吾等為

之具道本根所曰王不知狀於是泄公具曰報上上迺赦趙王上

賢高能自立然諾使泄公赦之告曰張王已出上多足下

師古曰多猶重也

故赦足下高曰所曰不死白張王不反耳今王已出吾責塞矣

口塞當也滿也

且人臣有篡弒之名豈有面目復事上哉迺仰絕亢而死

師古曰多猶重也

口亢頸大脈也俗所謂胡脈也師古曰亢首總謂頸耳爾雅云亢鳥籠即喉籠也音下郎友又音上郎友

敖已出尚魯元公主如故

師古曰尚猶配也

尚公中與尚書尚食同意訓尚為上言主掌之失其理矣公主既尊又非物類不得曰上掌為

辭貢禹又云諸侯則國人承公主益知主不得言主掌也

封為宣平侯於是上賢張王諸客皆曰為諸侯

相郡守語在田叔傳及季惠高后文景時張王客子孫皆為二千

石初季惠時齊悼惠王獻城陽郡尊魯元公主為太后

師古曰為齊太后后曰母禮事之

高后元年魯元太后薨後六年宣平侯敖復薨呂太后立敖子偃

為魯王呂母為太后故也

師古曰呂公主為齊王太后故立其子為王

又憐其年少孤弱迺封

敖前婦子二人壽為樂昌侯後為信都侯高后崩大臣誅諸呂廢

魯王及二侯季文即位復封故魯王偃為南宮侯薨子生嗣武帝

時生有罪免國除元光中復封偃孫廣國為睢陵侯

師古曰睢音雖

薨子昌

嗣太初中昌坐不敬免國除季平元始二年繼絕世封敖玄孫慶

忌為宣平侯食千戶

贊曰張耳陳餘世所稱賢其賓客廝役皆天下俊桀所居國無不

取卿相者然耳餘始居約時

晉灼曰始在貧賤險約之時

相然信死豈顧問哉及據

國爭權卒相滅亡何鄉者慕用之誠

師古曰鄉讀曰嚮嚮謂習也

後相背之蓋也

師古曰蓋古

曰蓋古吳字吳違也

勢利之交古人羞之蓋謂是矣

魏豹田儋韓信傳第三

漢書三十三

正議大夫行秘書少監琅邪縣開國子顏師古注

魏豹故魏諸公子也

師古曰六國時魏也

其兄魏咎故魏時封為甯陵君秦滅

魏

文穎曰魏大梁也為庶人陳勝之王也咎往從之勝使魏人周市徇魏地

師古曰徇略也音辭峻反

魏地已下欲立周市為魏王市曰天下昏亂忠臣迺見

曰言當昏亂之時忠臣迺得顯其節義也老子道經曰國家昏亂有忠臣

今天下共畔秦其誼必立魏王後迺可齊

趙使車各五十乘立市為王市不受迎魏咎於陳五反

師古曰又謂回還也陳

王迺遣立咎為魏王章邯已破陳王進兵擊魏王於臨濟魏王使

周市請救齊楚齊楚遣項它田巴將兵隨市救魏

師古曰楚遣項它齊遣田巴

章邯

遂擊破殺周市等軍圍臨濟咎為其民約降

師古曰與章邯為誓而約降

約降定咎

自殺

師古曰但欲全其人身而身不降

魏豹亡走楚楚懷王子豹數千人復徇魏地項

羽已破秦兵降章邯豹下魏二十餘城立為魏王

師古曰項羽立之

豹引精

兵從項羽入關羽封諸侯欲有梁地師古曰羽欲自取梁地迺徙豹於河東都平

陽為西魏王漢王還定三秦渡臨晉豹呂國屬焉遂從擊楚於彭

城漢王敗還至滎陽豹請視親病師古曰親謂母也至國則絕河津畔漢漢

王謂酈生曰緩頰往說之酈生至豹謝曰人生一世間如白駒過

隙師古曰言其速疾也白駒謂日景也隙隙際也今漢王嫚侮人罵詈諸侯羣臣如奴耳非有上

下禮節吾不忍復見也漢王遣韓信擊豹遂虜之傳豹詣滎陽呂

其地為河東太原上黨郡漢王令豹守滎陽楚圍之急周苛曰反

國之王難與共守遂殺豹師古曰反國言其管叛也

田儋狄人也師古曰狄縣名也地理志屬上乘故齊王田氏之族也師古曰亦六國時齊也儋從弟榮

榮弟橫皆豪桀宗彊能得人陳涉使周市略地北至狄狄城守儋

陽為縛其奴從少年之廷欲謁殺奴服虔曰古殺奴婢皆當告官儋欲殺令故詐縛奴呂謂也師古曰陽縛其奴為殺奴

一狀廷縣廷之中也音定今流俗書本為之作偽非也陽仰偽耳不當重言之見狄令因擊殺令而召豪吏子弟曰諸

侯皆反秦自立齊古之建國儋田氏當王遂自立為齊王發兵擊

周市市軍還去儋因率兵東略定齊地秦將章邯圍魏王咎於臨

濟急魏王請救於齊儋將兵救魏章邯夜銜枚擊大破齊楚軍殺

儋於臨濟下儋從弟榮收儋餘兵東走東阿齊人聞儋死迺立故

齊王建之弟田假為王田角為相田閒為將呂距諸侯榮之走東

阿章邯追圍之項梁聞榮急迺引兵擊破章邯東阿下章邯走而

西項梁因追之而榮怒齊之立假迺引兵歸擊逐假假亡走楚相

角亡走趙角弟閒前救趙因不敢歸榮迺立儋子市為王榮相之

橫為將平齊地項梁既追章邯章邯兵益盛項梁使使趣齊兵共

擊章邯師古曰趣讀曰促榮曰楚殺田假趙殺角閒迺出兵楚懷王曰田假

與國之王窮而歸我殺之不誼趙亦不殺田角田閒呂市於齊齊王曰蝮蠹手則斬手蠹足則斬足應劭曰蝮一名虺蠹也蝮人手足則割去其肉不然則死師古曰爾雅及說文皆曰為蝮即

也博三寸首大如擘而郭璞云各自一種蛇其蝮蛇細頸大頭焦尾色如綬文文間有毛以豬
鼠鼻上有針大者長七八尺一名及鼻非虺之類也且今俗名證之郭說得矣虺若土色所在有
之俗呼土虺其蝮唯出南方蝮音芳六反蝮音火各反何者為害於身也田假田角
聲音式亦反虺音許偉反擊者人手大指也音步歷反

田間於楚趙非手足戚文穎曰言將亡身非手足憂也臣瓚曰田假於楚非手足之親也師古曰贊說是也何故不殺且

秦復得志於天下則齟齬首用事者墳墓矣如淳曰齟齬也齟齬也師古曰首用事謂起兵而立號者也

楚趙不聽齊齊亦怒終不肯出兵章邯果敗殺項梁師古曰擊敗而殺之

羽既存趙降章邯西滅秦立諸侯王迺徙齊王市更王膠東治卽

墨師古曰治謂都之也音丈吏反下皆類此齊將田都從共救趙因人關故立都為齊王治

臨菑故齊王建孫田安項羽方渡河救趙安下濟北數城引兵降

項羽羽立安為濟北王治博陽榮呂負項梁不肯助漢攻秦故不

得王趙將陳餘亦失職不得王二人俱怨項羽榮使人將兵助陳

餘令反趙地而榮亦發兵呂距擊田都都亡走楚榮留齊王市毋

之膠東市左右曰項王強暴王不就國必危市懼迺亡就國榮怒

追擊殺市於卽墨還攻殺濟北王安自立為王盡并三齊之地師古曰三

齊齊及濟北膠東項王聞之大怒迺北伐齊榮發兵距之城陽榮兵敗走平

原平原民殺榮項羽遂燒夷齊城郭師古曰夷平也所過盡屠破齊人相聚

畔之榮弟橫收齊散兵得數萬人反擊項羽於城陽而漢王帥諸

侯敗楚入彭城項羽聞之迺釋齊師古曰釋解也而歸擊漢於彭城因連與

漢戰相距築陽呂故橫復收齊城邑立榮子廣為王而橫相之政

事無巨細皆斷於橫定齊三年聞漢將韓信引兵且東擊齊齊使

華毋傷田解師古曰二人也華音言化反軍歷下呂距漢張晏曰濟南歷山之下會漢使酈食其往

說王廣及相橫與連和橫然之迺罷歷下守備縱酒師古曰縱放也且

遣使與漢平師古曰平欲遣使韓信迺渡平原襲破齊歷下軍因入臨菑王

廣相橫呂酈生為賣已而亨之師古曰謂其與韓信合謀廣東走高密橫走博蘇林曰泰山博

縣守相田光走城陽

師古曰守相者言為相而專主居守之事

將軍田既軍於膠東楚使龍

且救齊

師古曰且音于閏反

齊王與合軍高密漢將韓信曹參破殺龍且虜齊

王廣漢將灌嬰追得守相光至博而橫聞王死自立為王還擊嬰

嬰敗橫軍於贏下

晉灼曰泰山贏縣也師古曰音弋成反

橫亡走梁歸彭越越時居梁地

中立且為漢且為楚

師古曰言在楚漢之間居中自

韓信已殺龍且因進兵

破殺田既於膠東灌嬰破殺齊將田吸於千乘

師古曰吸音許及反

遂平齊地

漢滅項籍漢王立為皇帝彭越為梁王橫懼誅而與其徒屬五百

餘人人海居陽中

韋昭曰海中山曰陽師古曰音丁老反

高帝聞之呂橫兄弟本定齊齊

人賢者多附焉今在海中不收後恐有亂迺使使救橫罪而召之

橫謝曰臣亨陛下之使酈食其今聞其弟商為漢將而賢臣恐懼

不敢奉詔請為庶人守海陽中使還報高帝迺詔衛尉酈商曰齊

士橫即至人馬從者敢動搖者致族夷

師古曰族夷言平除其族

迺復使使持節具

告呂詔意曰橫來大者王小者迺侯耳

師古曰大者謂橫身小者其徒屬

不來且發兵

加誅橫迺與其客二人乘傳詣雒陽

師古曰傳音張戀反

至尸鄉廄置

師古曰尸鄉在偃師

城西臣贊曰案廄置謂置馬呂傳驛者

橫謝使者曰人臣見天子當洗沐止留謂其客曰橫

始與漢王俱南面稱孤

師古曰王者自稱曰孤蓋為謙也老子德經曰貴且賤為本高呂下為基是呂侯王自謂孤寡不教

今漢王

為天子而橫迺為亡虜北面事之其媿固已甚矣又吾亨人之兄

與其弟併肩而事主

師古曰併音步鼎反

縱彼畏天子之詔不敢動搖我獨不

媿於心乎且陛下所呂欲見我不過欲壹見我面貌耳陛下在雒

陽今斬吾頭馳三十里閒形容尚未能敗猶可知也遂自剄令客

奉其頭從使者馳奏之高帝高帝曰嗟乎有呂起布衣兄弟三人

更王

師古曰更音工衡反

豈非賢哉為之流涕而拜其二客為都尉發卒二千

呂王者禮葬橫既葬二客穿其冢旁皆自剄從之高帝聞而大驚

呂橫之客皆賢者吾聞其餘尚五百人在海中使使召至聞橫死

亦皆自殺於是迺知田橫兄弟能得士也

韓王信故韓襄王孽孫也張晏曰孺子為孽師古曰孽謂庶耳張說非也長八尺五寸項梁立楚

懷王燕齊趙魏皆已前王唯韓無有後故立韓公子橫陽成君為

韓王欲呂撫定韓地項梁死定陶成犇懷王師古曰犇古奔字沛公引兵擊

陽城使張良呂韓司徒徇韓地得信呂為韓將將其兵從入武關

沛公為漢王信從入漢中迺說漢王曰項王王諸將王獨居此遷

也士卒皆山東人竦而望歸及其遙東鄉可呂爭天下鄭氏曰及軍中將士氣鋒也師

古曰高紀及韓彭英盧傳皆稱斯說是楚上韓信之辭而此傳復云韓王信之語漢王還定

三秦迺許王信先拜為韓太尉將兵略韓地項籍之封諸王皆就

國韓王成呂不從無功不遣之國更封為穰侯文穎曰穰南陽縣也臣瓚曰穰縣屬江夏師古曰文

說也後又殺之聞漢遣信略韓地迺令故籍游吳時令鄭昌為韓王

孟康曰項籍在吳時曰為吳縣令距漢漢二年信略定韓地十餘城漢王至河南信急

擊韓王昌昌降漢迺立信為韓王常將韓兵從漢王使信與周苛

等守滎陽楚拔之信降楚已得亡歸漢師古曰降楚之後復得歸漢漢復呂為韓王

竟從擊破項籍五年春與信剖符王潁川師古曰剖分也為合符而分之六年春上呂

為信壯武北近鞏雒師古曰鞏即今鞏縣南迫宛葉師古曰南陽之二縣也宛音於元及葉音式涉反東有淮

陽皆天下勁兵處也迺更呂太原郡為韓國徙信呂備胡都晉陽

信上書曰國被邊李奇曰被音被馬之被師古曰被猶帶也匈奴數入晉陽去塞遠請治馬

邑上許之秋匈奴冒頓大入圍信信數使使胡求和解漢發兵救

之疑信數聞使有二心師古曰開私也上賜信書責讓之曰專死不勇專生

不任李奇曰言為將軍必死之意不得為勇必生之心不任軍事傳曰期死非勇也必生非任也寇攻馬邑君王力不足呂

堅守乎安危存亡之地此二者朕所呂責於君王師古曰言雖處危亡之地執忠履信可呂安存責其有二心信得書恐誅因與匈奴約共攻漢呂馬邑降胡擊太原七年

冬上自往擊破信軍銅鞮師古曰上黨之縣也鞮音丁奚反斬其將王喜信亡走匈奴

與其將白土人曼丘臣王黃張晏曰白土縣名也屬上郡立趙苗裔趙利為王師古曰六國時

趙復收信散兵而與信及冒頓謀攻漢匈奴使左右賢王將萬餘

騎與王黃等屯廣武師古曰廣武亦太原之縣與漢兵戰漢兵大破之

追至于離石復破之師古曰離石西河之縣匈奴復聚兵樓煩西北漢令車騎擊

匈奴常敗走漢乘勝追北聞冒頓居代谷上居晉陽使人視冒頓

還報曰可擊上遂至平城上白登服虔曰臺名去平城七里如淳曰平城旁之高

餘里今其處猶存服說非也匈奴騎圍上上迺使人厚遺闕氏師古曰闕氏匈奴單于之妻也闕音於連反氏音支闕

氏說冒頓曰今得漢地猶不能居且兩主不相戾居七日胡騎稍

稍引去天霧漢使人往來胡不覺護軍中尉陳平言上曰胡者全

兵李奇曰言唯弓矛無雜仗也請令彊弩傳兩矢外鄉師古曰傳讀曰附每一弩而加兩矢外鄉者言禦敵也鄉讀曰嚮徐行

出圍入平城漢救兵亦至胡騎遂解去漢亦罷兵歸信為匈奴將

兵往來擊邊令王黃等說誤陳稀十一年春信復與胡騎入居參

合師古曰代郡之縣漢使柴將軍擊之鄧展曰柴奇也應劭曰柴武也晉灼曰奇武之子師古曰應說是也遺信書曰陛

下寬仁諸侯雖有叛亡而後歸輒復故位號不誅也師古曰復音扶目反大王

所知今王已敗亡走胡非有大罪急自歸信報曰陛下擢僕閭巷

南面稱孤此僕之幸也滎陽之事僕不能死囚於項籍此一罪也

寇攻馬邑僕不能堅守已城降之此二罪也今為反寇將兵與將

軍爭一旦之命此三罪也夫種蠡無一罪身死亡文穎曰大夫種范蠡也師古曰二人皆越王句踐之臣也大夫種位為大夫名種也有功於越而句踐逼令自死范蠡即陶朱公也浮海而逃之齊又居陶自號朱公竟已壽終信引之已自喻者蓋言種不去則見殺蠡逃亡則獲免蠡音禮

僕有三罪而欲求活此伍子胥所已償於吳世也蘇林曰償音奮孟康曰償猶斃也言子胥得罪

於夫差而不知去所已斃於世也師古曰償謂償也音方問反今僕亡匿山谷聞且暮乞食蠻夷師古曰乞音吐得反

僕之忠歸如痿人不忘起盲者不忘視師古曰痿風痺病也音人佳反勢不可耳遂戰

柴將軍屠參合斬信信之入匈奴與太子俱及至顏當城生子因

名曰頽當韓太子亦生子嬰至孝文時顏當及嬰率其眾降漢封

名曰頽當韓太子亦生子嬰至孝文時顏當及嬰率其眾降漢封

名曰頽當韓太子亦生子嬰至孝文時顏當及嬰率其眾降漢封

顏當為弓高侯

晉灼曰功臣表屬營陵

嬰為襄城侯

晉灼曰功臣表屬魏郡

吳楚反時弓高侯功

冠諸將傳子至孫孫無子國絕嬰孫已不敬失侯積當孽孫媽鄭

曰音馬陵之馬師古曰鄭音是也音優

貴幸名顯當世媽弟說

師古曰說讀曰悅

呂校尉擊匈奴封龍

額侯師古曰字或作維

後坐耐金失侯復已待詔為橫海將軍擊破東越封

按道侯

師古曰史記年表并衛青傳載韓說初封龍維侯後為按道侯皆與此傳同而漢書功臣侯表述云龍額侯名說按道侯名說列為二人與此不同疑表誤

太

初中為游擊將軍屯五原外列城還為光祿勳掘蠱太子宮為太

子所殺

師古曰掘音其勿反

子興嗣坐巫蠱誅上曰游擊將軍死事無論坐者

服虔曰時無故見殺而無為之論坐伏辜者也臣瓚曰按說無故見殺而子復為誣蠱見誅皆為怨枉故上曰毋有應論坐者也師古曰二說皆非言韓說呂掘蠱為太子所殺死於國事忠誠可

閱今興離呂巫蠱見誅其昆弟宗族應從坐者勿論之所呂追龍說也

迺復封興弟增為龍額侯增少為郎諸曹

侍中光祿大夫昭帝時至前將軍與大將軍霍光定策立宣帝益

封千戶本始二年五將征匈奴增將三萬騎出雲中斬首百餘級

至期而還神爵元年代張安世為大司馬車騎將軍領尚書事增

世貴幼為忠臣事三主重於朝廷為人寬和自守已溫顏遜辭承

上接下無所失意係身固寵不能有所建明五鳳二年薨諡曰安

侯子寶嗣亡子國除成帝時繼功臣後封增兄子岑為龍額侯薨

子持弓嗣王莽敗迺絕

贊曰周室既壞至春秋末諸侯耗盡

師古曰耗滅也言漸少而盡也音呼到反

而炎黃唐虞

之苗裔尚猶頗有存者

師古曰謂神農黃帝堯舜之後

秦滅六國而上古遺烈埽地盡

矣

師古曰烈業也

楚漢之際豪桀相王唯魏豹韓信田儋兄弟為舊國之後

然皆及身而絕橫之志節賓客慕義猶不能自立豈非天虐韓氏

自弓高後貴顯蓋周烈近與

晉灼曰韓先與周同姓其後苗裔事晉封於韓原姓韓氏韓厥其後也故曰周烈臣瓚曰案武王之子方於三

代世為最近也師古曰左氏傳云邾晉應韓武之穆也據如此贊所云則韓萬先祖武王之裔而杜預等已為出自曲沃成師未詳其說與讀曰歟

韓彭黃王... 韓彭黃王... 韓彭黃王... 韓彭黃王... 韓彭黃王...

韓彭黃王... 韓彭黃王... 韓彭黃王... 韓彭黃王... 韓彭黃王...

韓彭黃王... 韓彭黃王... 韓彭黃王... 韓彭黃王... 韓彭黃王...

韓彭黃王... 韓彭黃王... 韓彭黃王... 韓彭黃王... 韓彭黃王...

韓彭黃王... 韓彭黃王... 韓彭黃王... 韓彭黃王... 韓彭黃王...

韓彭黃王... 韓彭黃王... 韓彭黃王... 韓彭黃王... 韓彭黃王...

韓彭黃王... 韓彭黃王... 韓彭黃王... 韓彭黃王... 韓彭黃王...

韓彭黃王... 韓彭黃王... 韓彭黃王... 韓彭黃王... 韓彭黃王...

韓彭黃王... 韓彭黃王... 韓彭黃王... 韓彭黃王... 韓彭黃王...

韓彭黃王... 韓彭黃王... 韓彭黃王... 韓彭黃王... 韓彭黃王...

韓彭黃王... 韓彭黃王... 韓彭黃王... 韓彭黃王... 韓彭黃王...

韓彭黃王... 韓彭黃王... 韓彭黃王... 韓彭黃王... 韓彭黃王...

魏豹田儋韓信傳第三

終



漢書三十三

